

1. PENE NA YO

Yo likabo na ngai seko,
Oleki ata bomoi,
Kati na mobembo na ngai,
Natambolaka na Yo;
Pene na Yo Nkolo,
Pene na Yo Nkolo;
Kati na mobembo na ngai,
Natambolaka na Yo.

Nakobondela kosenga,
Mposa ya mokili te;
N'esengo nandimi mpasi,
Natambolaka na Yo;
Pene na Yo Nkolo,
pene na Yo Nkolo;
N'esengo nandimi mpasi,
Natambolaka na Yo.

Kamba ngai kati na mbonge,
Na lobwaku molili;
Nakota elongo na Yo,
Na bomoyi ya seko;
Pene na Yo Nkolo,
Pene na Yo Nkolo;
Nakota elongo na yo,
Na bomoyi ya seko.

2. EZALI LOKOLA LOLA

Bato mingi basosoli te boni
Tozali nsomi, esengo!
Toleki Yodani, tokei Kanana,
Ezali lokola lola.

Choeur

Ezali lokola lola (nkembo),
Mpo na ngai lokola lola;
Naleki Yodani, nakei Kanana,
Ezali lokola lola.

Ntango ya esengo ngai nakoyemba,
Moyini akondima te;
Na ntembe te natondi na Molimo,
Yango nde likambo na ngai.

3. NAZALA LOKOLA YE

Mopaya uta na Beteleme,
Tika nazala lokola Ye;
Ye Mobikisi, ngolu monene,
Tika nazala lokola Ye.

Choeur

Lokola Yesu, lokola Yesu,
Tika nazala lokola Ye;
Ezali ngai kokende na nkembo,
Tika nazala lokola Ye.

Moyengebene mpe mosokemi,
Tika nazala lokola Ye;
Nalimbisami na ngolu na Ye,
Tika nazala lokola Ye.

4. NA NTANGO MOKE

Mbala mingi tomemami na mbonge
ya ebale,
Ntango moko pole mpe ntango
mosusu molili;
Kuna mboka kitoko, wana
londende elimwe,
Na ntango moke nde tokososola.

Choeur

Na mwa ntango, ntongo etani,
Wana babulami bakosangana;
Mpe tokoloba ndenge tolongaki,
Na ntango moke nde tokososola.

Mbala mingi tozangi na mokili oyo
ya nse;

Tozali na nzala, na bokono, tozangi
ndako;
Nde tokolikya na Nkolo bo elobi Liloba,
Na ntango moke nde tokososola.

Mimekano mileki, mpe tozangi
kososola
Ndenge Nzambe alingi kokamba
biso na mboka;
Azali kosenzela, tobila Ye kino liwa,
Na ntango moke nde tokososola.

Mbala mingi masenginya mayeli
biso mpwasa;
Mitema mizokisami na matioli ya bato;
Mpo nini tomekami wana tosali
bolamu,
Na ntango moke nde tokososola.

5. O NALINGI YESU

Nkombo moko nalingi be,
Nakoyemba yango;
Eyokani na loyembo,
Nkombo kitoko be.

Choeur

ô nalingi Yesu,
ô nalingi Yesu,
ô nalingi Yesu,
Mpo Ye alingaki ngai.

Nkombo ya Ye Mobikisi,
Akufelaki ngai;
Makila ekolobela,
Basumuki banso.

Nkombo ya Oyo alingi
Kozwa mpasi na ngai;
Mokumba Ye akomema,
Moko te akoki.

6. NTANGO NKOLO AKOYA

Ntango Klisto na mapata
Akozonga awa nse;
Mokili ekosepela,
Ntango Nkolo akoya?

Choeur

Koyemba mpe kosepela,
Mpasi, mawa ekoya;
Kolela mpe kobondela,
Ntango Nkolo akoya.

Koya na Ye ekomema,
Esengo to mpisoli;
Obelemi koyamba Ye,
Ntango Nkolo akoya?

Okozala na baleli,
To na nzembo na baanje;
Kolatisa Ye motole,
Ntango Nkolo akoya?

Sala kati na elanga,
Kino ekobianga Ye;
N'esengo okomona Ye!
Ntango Nkolo akoya.

7. AZALI

Nasepeli butu, moi,
Awa ngai na mobembo,
Mpo'te namoni loboko na Nzambe;
Ntina y'esengo na ngai
Ezali mpo na boye :
Mobondisi azali na ngai.

Choeur

Azali, Azali,
Aleluya, azali na ngai;
Kati na nzela moke,
Esengo butu na moi,
Mobondisi azali na ngai.

Nasumukaki mingi,
Mpe nazangaki kimia,
Kino nayebaki liwa na Yesu;
Nafukamelaki Ye,
Bongo nazwaki kimia,
Mobondisi azali na ngai.

Akotambola na ngai,
Ayebi mposa na ngai,
Esengo, ngai nsomi lokola ndeke;
Molimo akonzi ngai,
Yesu abondisi ngai,
Mobondisi azali na ngai.

Bisengo ya mokili
Bikei mosika na ngai,
Nasili mpe kokabwana na yango;
Butu ebongwani moi,
Mpe mikumba milongwe,
Mobondisi azali na ngai.

8. BOLINGO EBIKISI NGA I

Nazalaki kozinda
Kati na masumu,
Nzela ezalaki te
mpo na ngai kobima;
Nkolo ya mai ayoki
Kobelega na ngai,
Abimisi ngai n'ebale
Nabiki.

Choeur

Bolingo na Ye ebikisi ngai,
Eloko mosusu te, se bolingo;
Bolingo na Ye, ebikisi ngai,
Eloko mosusu te se bolingo.

Napesi Ye motema,
Nakangami na Ye,
Nakobika na Yesu,

Kosanzolaka Ye;
Bolingo kitoko be,
Ebongi na nzembo,
Mosala ebongi be se
Mpo na Ye.

Yo kati na likama,
Talelaka Yesu,
Ye akonetola yo
Mosika na mbonge;
Ye Nkolo na ebale,
Mbonge ekotosa,
Alingi nde kobikisa Yo lelo.

9. MOKOLO ETANI

Mokolo etani,
Nzambe' ayei na biso;
Nde ntango ya sika,
Tokumisa Mpate;
Klisto' apesi biso
oyo' elakaki Ye,
Molimo azali.

Choeur

Molimo Mosantu,
Azali na biso;
Mpe liwa elimwe,
Nzambe abikisi;
Kati na mokili
Mokolo etani,
Molimo azali.

Molili ekimi
Mpe pole engengi,
Yango ebengani
Kozanga kondima;
Klisto Ye Mokonzi
Apesi bondimi,
Molimo azali.

Mosungi monene,
Ayei na mitema;

Molimo na sôlo,
Asikoli biso;
Minyolo' abuki,
Asopi lobiko,
Molimo azali.

Basikwami banso,
Bayemba bonsomi;
Klisto' asali nyonso,
Apesi Molimo;
Lifelo' eningani,
kati na mokili
Molimo azali.

10. BOMOKO KATI NA KLISTO

Bomoko kati na
Klisto, epambwami;
Boyokani mpe bondeko,
Lokola na lola.

Liboso na Tata,
Toyei kobondela;
Tozali moko na mpasi,
N'esengo mpe' elikya.

Tokaboli mpasi,
Mpe mikumba nyonso;
Ezali ndeko na mawa,
Tosangani na Ye.

Ntango tokabwani,
Mpasi na mitema;
Nde tozali na elikya
Mpo na komonana.

11. NAZALI NA MOBIKISI

Nazali na mobikisi mpenza,
Amipesaki mpo na ngai;
Akabi bomoi na Ye ya sembo,
Mpo akufa n'ekulusu.

Choeur

Na ekulusu mpo na ngai (2x)
Akamati lisumu' asikoli ngai,
Na ekulusu mpo na ngai.

Atiki nkembo na Ye na lola,
Mpo na mwango ya lisiko;
Amikitisu, akomi mpamba,
Mpo ete asikola ngai.

Anyokwami mpo na mabe na ngai,
Mpo na bokeseni na ngai;
Akumbaki mpe bokono na ngai,
Akufi mpo ngai nabika.

Abikisaki bandeko na Ye,
Ayambamaki na lola;
Azali koya, nde libombami,
Nazwi esengo ya seko.

12. MONINGA TOZWI

Moninga tozwi na Yesu,
Azwi mpasi na biso;
Mpe litomba nini oyo,
Kmemela Ye nyonso;
Tokobungisaka kimia,
Tomemi mpasi mpamba;
Mpo tomemeli Nzambe te,
Nyonso na mabondeli.

Tomekami ndenge mingi,
Mpe tozwi mitungisi;
Kasi tolemba nzoto te,
Tomemela Ye nyonso;
Tokozwa moninga wapi,
Ya kokabola mpasi;
Ayebi mabe na biso,
Tomemela Ye nyonso.

Tolembi, mpe na mikumba,
Uta na mitungisi,
Yesu Ye nde Ekimelo,

Tomemela Ye nyonso;
Ata baninga batiki yo,
Mema nyonso na Nkolo;
Ye nde akobatela yo,
Mpe akobondisa yo.

13. TONDISA NGAI NA BOLINGO

Nkolo ngai nalanda nzela olekaki,
Ekomema kino lola;
Ekobondisa mpe bato
bazwi mawa,
Tondisa ngai na bolingo.

Choeur

Tondisa ngai na bolingo,
Etamboli ngai n'ebenga;
Natambola na Nzembo
mpe na esengo,
Tondisa ngai na bolingo.

Batela ngai pene na Nkolo,
Mokambi,
Tika ngai na molili te;
Batelaka ngai mpe mosika ya nkándá,
Tondisa ngai na bolingo.

Na mwa ntango moke, nsuka ya
mobembo,
Mpe nakofanda na lola;
Nayemba, Mokonzi, na nzela ya mboka,
Tondisa ngai na bolingo.

14. PENE NA EKULUSU

Yesu batelaka ngai,
Pene n'ekulusu;
Liziba ya lobiko,
Uta Gologota.

Choeur

Kuna n'ekulusu,
Zala nkembo na ngai;
Kino ngai nakopema,
Na ngambo y'ebale.

N'ekulusu nabangi,
Ngolu ebelemi;
Mpe Monzoto ya ntongo,
Ekongengela ngai.

N'ekulusu, ô Mpate,
Pesa ngai elembu;
Sunga ngai natambola,
Na elili n'ango.

N'ekulusu nazela,
kondimaka seko;
Kino ete nakoma,
Na mboka ya wolo.

15. NAKONETWA

Ntongo kitoko nyonso esili,
Nakonetwa;
Na ndako' epai Yesu na ngai azali,
Nakonetwa.

Choeur

Nakonetwa, ô nkembo,
Nakonetwa;
Na nsuka, aleluya ntango moke,
Nakonetwa.

Na mwa ntango moke etikali,
Nakonetwa;
Na mboka oyo' esengo ezali,
Nakonetwa.

Ntango bomoi na ngai ekokende,
Nakonetwa;
Lokola ndeke akongalami,
Nakonetwa.

16. BABUNDI BOTELEMA

Babundi botelema,
Basoda ya Nkolo!
Bosimbaka makasi,
Ekulusu na Ye;
Mpe na nzela ya nkembo
Yesu akokamba,
Akopesa elonga
Na moto'alandi Ye.

Kelelo eyokani,
Botelema banso!
Motole ya bomoyi,
Libonza y'etumba.
Moyini atomboka,
Bosimba makasi;
Bozala na molende,
Soki alembi te.

Bokende na etumba,
Bozonga nsima te!
Mpo moko alemba te,
Botalaka Yesu!
Bibundeli na nguya,
Babundi bolata;
Elonga ekozala,
Mpo na mofukami.

Botelema lisusu,
Kino koya na moi!
Ntongo esi etani,
Liboso na biso;
Minduki tokobwaka,
Na makolo na Yesu!
Nzembo nsima na mawa,
Mpasi nsima nkembo.

17. OYEBI MBOKA YANGO?

Oyebi mboka yango,
Mboka ya likolo?
Etondi se na pole,

Kuna molili te.
Tozali nde bapaya,
Na mokili ya mpasi;
Kasi tozali na bozwi,
Mboka ya likolo.

Oyebi mboka yango,
Mboka epambwami?
Kuna esengo mingi,
Nyonso ebongi be.
Mwana Mpate Ye Pole,
Moko te lokola Ye;
Ajali kongengisaka,
Mboka epambwami.

Mboka ya wolo mingi,
Ekolo na biso!
Oyebi mpe ebale,
Na nzete ya bomoi?
Mikumba lisusu te,
Kimia na baponani!
Mboka euti na Nzambe,
Ekolo na biso.

ô Salem, Mboka'a Kimia,
Nasengeli na Yo!
Eklezya ekoluka,
Komona Mokonzi!
Kozalaka se na Yo,
Nkolo na ngai, Mokonzi;
Mpo nayemba mpe naloba :
«Nasengeli na Yo.»

18. MOLEKI

Moleki na mokili oyo,
Nakeyi na likolo;
Kuna na mboka ya pole,
Kofanda seko.
Awa banguna baleki,
Nazingami na bango;
Nzela ekomi molili,

Ngai molingami.

Ngai molingami na Tata,
Akotambola na ngai;
Asimbi ngai na mobembo,
Loboko na Ye.
Mpe kati na mimekano,
Na nsomo mpe bolozi,
Alobi : «Yika se mpiko,
Ngai Mobikisi!»

Kosalela Ye Mokonzi,
Awa nakozela Ye;
Tika nayeba Ye mingi,
Natalaka Ye;
Oyo bozwi ebongi be,
Mbano na ngai, ya esengo!
Mobikisi akamba ngai,
Kino libongo!

Libongo, mboka kitoko,
Kolela ekosila;
Mitema mikosepela,
Komona Yesu;
Ntina te mpasi ezala,
Tala, Azali koya;
Mpe lisiko ebelemi,
Lola' efungwami.

19. MOBIKISI, MOBATELI

Mobikisi, Mobateli,
Okamba na bolingo;
Na loboko na Yo Tata,
Oleisaka biso.

Choeur

Kumisama, Nkolo Nzambe,
Yesu tozali ba Yo;
Biso tozala se ba Yo,
Kumisama, Mokonzi.

Kati na elanga na Yo,
Toyeba koluka Yo;
Na nse ya elili na Yo,
Toyeba kotambola.

Oyambi biso na ngolu,
Otali masumu te;
Na nguyana na Yo monene,
Petolaka mitema.

Bana, tosepelisa Yo,
Totosaka Yo Nkolo;
Mpo na yango sala ete
Tobika na kondima.

Mobikisi, Mobateli,
Mpo ete tobila Yo,
Opesaka biso mpiko,
Memaka biso Nkolo.

20. ESIKA YA LIKOLO

Nazali na nzela'a lola,
Komataka se likolo;
Kosengaka se na Nkolo :
«Netola ngai na likolo.»

Choeur

Netola ngai natelema
Na bondimi kuna likolo;
Mosika mingi koleka,
Nkolo mema ngai likolo

Motema eboi kozala,
Epai ya ntembe mpe nsomo;
Basusu bazala kuna,
Ngai nalingi se likolo.

Nakoma kino na nsuka,
Mpo ete namona nkembo;
Yambo ngai namona lola,
Nkolo mema ngai mosika.

21. EKOYANGANA BASIKWAMI

Nakanisi konetwa mpo na kokende
na nkembo,
Ekoyangana basikwami;
Boni tokoyemba nzembo kuna
Na mboka lola,
Ekoyangana basikwami.

Choeur

Ekoyangana basikwami,
Bapetwami na masumu;
Koyemba, konganga,
Ekoyangana basikwami.

Wana banso tokotambola likolo
Na wolo,
Ekoyangana basikwami;
Loyembo ekoyokana kuna
Kati na mboka,
Ekoyangana basikwami.

Mpe babulami bakoyemba mwango
ya lisiko,
Ekoyangana basikwami;
Baanje bakoyoka nde bakokoka
Koyemba te,
Ekoyangana basikwami.
Nkolo akoloba ete : «Bobongisa
elambo!»
Ekoyangana basikwami;
Tokoyoka Ye kobianga: «Yakani
bapambwami!»
Ekoyangana basikwami.

22. NKEMBO, BOZWI NA NGAI

Nkembo, bozwi na ngai
Mpe esengo na ngai,
Yesu ngai nandima,
Osikolaki ngai;

Nakotalela se Yo,
Nzambe mobikisi;
Nazali na elikya,
Mpe nakobanga te.

Nini epetola, nini ebikisa,
Ezali bobele Makila na Yesu;
Yesu akosukola biso na masumu,
Akopesa bonsomi mpo na
mokangami.

Mokili emema mboka Mobikisi,
Masumu na yango, Ye akolimbisa,
Ayaki na mokili na bolingo na Ye,
Mpo na kopesa bato lobiko ya seko.

23. BOLINGO YA NZAMBE

Bolingo' a Nzambe monene mingi,
Tokoki kolimbola te;
Ekeyi mpenza likolo mingi,
Ekiti mpe na nse mingi;
Kilo eleki mokweyi,
Nzambe akabi Mpate;
Asombi mwana mosumuki,
Alimbisi masumu.

Choeur

Bolingo' a Nzambe
Etondi bozwi,
Ezali na nsuka te;
Ekoyembama seko na seko
Na basantu mpe baanje.

Ntango mokili oyo ekoleka,
Mpe mikonzi mikokweya;
Ata mpe bato basambeli te,
Babeleli na ngomba te;
Bolingo' a Nzambe ekoumela,
Ezali na nsuka te;
Ngolu epai na bana y' Adama,
Nzembo' a basantu, baanje.

Tokamata mayi y'ebale,
Mapata lokola nkasa;
Wana nzete nyonso ekomeli,
Mpe moto nyonso mokomi;
Kolimbola bolingo'a Nzambe,
Mayi makokauka,
Nkasa ikosila nyonso,
Ebandeli mpe nsuka.

24. NATIKI NYONSO

Nyonso na Yesu natiki,
Nyonso na Ye napesi;
Nalingi Ye, nandimi Ye,
Nabika na Ye seko.

Choeur

Natiki nyonso,
Natiki nyonso,
Nyonso na Yo, Mobikisi,
Natiki nyonso.

Nyonso na Yesu natiki,
Nafukami mpo na Ye;
Mposa ya mokili ekei,
Yesu okamata ngai.
Nyonso na Yesu natiki,
Nkolo nakoma wa Yo;
Pesa ngai Molimo Santu,
Nayeba' Ozali wa ngai.

Nyonso na Yesu natiki,
Nkolo ngai naye na Yo;
Pesaka ngai nguya na Yo.
Mpe mapamboli na Yo.

Nyonso ya Yesu natiki,
Nayoki móto 'a bule;
O esengo ya lobiko,
Nkembo na Nkombo na Ye.

25. LIZIBA YA MAKILA EZALI

Liziba'a makila ezali
Uta misisa y'Emmanuel;
Basumuki bakozinda,
Bakopetolama,
Bakopetolama,
Bakopetolama;
Basumuki bakozinda,
Bakopetolama.

Moyibi asepelaki
Komona liziba yango;
Ngai mpe nakozinda kuna,
Nakosukolama,
Nakosukolama,
Nakosukolama;
Ngai mpe nakozinda kuna,
Nakosukolama.

Yo Mpate Makila na Yo
Ekobungisa nguya te;
Kino lingomba na Nzambe
Etika masumu,
Etika masumu,
Etika masumu;
Kino lingomba na Nzambe
Etika masumu.

Na bondimi ngai namoni
Liziba'a makila na Yo;
Bolinga na Yo nde nzembo
Ya ngai kino liwa,
Ya ngai kino liwa,
Ya ngai kino liwa;
Bolinga na Yo nde Nzembo
Ya ngai kino liwa.

Bongo na nzembo kitoko
Nakoyemba nguya na Yo;
Ntango nakokitisama

Na kimia na nkunda,
Na kimia na nkunda,
Na kimia na nkunda,
Ntango nakokitisama
Na kimia na nkunda,

26. EKOKOTA BASANTU

Moleki, nakotambola,
Na mokili ya mabe;
Wana nakokende lola,
Ekokota basantu.

Choeur

Ekokota basantu,
Ekokota basantu,
Nkolo ngai mpe nazala,
Ekokota basantu.

Solo nakomona Nkolo,
Soki nasikolami,
Nakokota mboka lola,
Ekokota basantu.

Ntango tokozinga Nkolo,
Bikuke bikangemi,
Nakonganga: «Nkembo, nkembo.»
Ekokota basantu.

Awa nazela likalo,
Ekoya komema ngai;
Na mapata nakei lola,
Ekokota basantu.

27. KAMATA NKOMBO NA YESU

Kamata Nkombo na Yesu,
Mwana'a mawa mpe mpasi;
Ekopesa yo esengo,
Bipai binso okokende.

Choeur

Nkombo oyo, kitoko,
Elikya ya nse, esengo ya lola;
Nkombo oyo kitoko,

Elikya ya nse, esengo ya lola.

Kamata Nkombo na Yesu,
Lokola nguba na yo;
Na mimekano tangaka,
Yango na mabondeli.

Nkombo kitoko na Yesu,
Epesi biso'esengo;
Ekoyambaka Ye biso,
Tokoyembelaka Ye.

Tokongumbamela Yesu,
Kopesa Ye motole,
Ya Mokonzi na bakonzi,
Ekosila mobembo.

28. ETONDI NA BOZWI

Etondi na bozwi mpe na bozindo,
Boling'o a Nzambe,
Boling'o a lisiko

Choeur

Ya ngai, Ya ngai,
Nabikisami na ngolu;
Ya ngai, Ya ngai,
Boling'o a lisiko.

Ebongwani te, eleki nyonso,
elimbolami te,
Boling'o a Nzambe,
Boling'o a lisiko.
Kitoko mingi, malamungu mingi,
koyembelaka Mpate na Nzambe,
Boling'o a lisiko.

29. N'ELOLI MOYI EKOLALA

N'eloli moyi ekolala,
Ekomi nsuka na mobembo;
Mpe namoni ntango ekoki,
Ntango moyi ekolalaka.

Choeur

Tokomi na nsuka,
Ya mobembo mpenza;
Tokomi na nsuka,
Ya makambo manso.

Mpe botala pole ya mpokwa,
N'eloli engengi mpo na ngai:
Emonisi Mwana na Moto,
Nandimi, nandimi yango.

Mopaya tokomi na nsuka,
Tolonga mokili tokende;
Kebaka! ngonga nini?
Tolonga mokili tokende.

30. NATAMBOLA PENE NA YO

Ngai nazangi makasi,
Yesu batelaka ngai;
Nakosepela mingi,
Kotambolaka pene na Yo.

Choeur

Natambola se na Yo,
Yesu yanolaka ngai;
Natambola pene na Yo,
Ezalaka se bongo Nkolo.

Na mokili ya mpasi,
Nani abatela ngai?
Amema mokumba na ngai,
Ezali bobele Yo Nkolo.
Wana ekokufa ngai,
Ntango'esili mpo na ngai;
Kamba ngai kati na kimia,
Na mboka ya Bokonzi na Yo.

31. MONGANGA MONENE

Monganga Monene ayei,
Ye Mobondisi Yesu;
Akobondisa mitema,
Yoka mongongo na Ye.

Choeur

Nzembo kitoko ya baanje;
Nkombo kitoko na bato;
Nzembo malamau mingi,
Yesu, kumisama.

Olimbisami masumu,
Yoka mongongo na Ye;
Kende na lola na kimia,
Ná Yesu zwa motole.

Nkembo nyonso mpo na Mpate,
Ngai nandimeli Yesu;
Nkombo Yesu ngai nalingi,
Nkombo ya Mobikisi.

Mabungga, mpe nsomo na ngai,
Ekei na Nkombo na Ye;
Eyoki ngai Nkombo “Yesu”,
Natondi na esengo.

32. NDENGE NAZALI

Ezali ngai n'eloko te,
Bobebe makila na Yo;
Okobianga ngai epai na Yo,
Mpate na Nzambe ngai nayei.

Ezali ngai kozela te,
Kosikwama mpo na nyonso;
Yo okoki kosukola,
Mpate na Nzambe ngai nayei.

Ezali ngai Okoyamba,
Kobatela, kolimbisa;
Nandimi elaka na Yo,
Mpate na Nzambe ngai nayei.

Ezali ngai bolingo na Yo,
Ebuki bikuke binso;
Mpo' ete nazala se wa Yo,
Mpate na Nzambe ngai nayei.

33. NA NTANGO MOKE

Mboka moko ya pole ezali,
Na bondimi tomoni yango;
Tata azali kozela biso,
Abongisela biso ndako.

Choeur

Mpe tokokutana,
Na ntango moke ngambo y'ebale;
Mpe tokokutana,
Na ntango moke ngambo y'ebale.

Tokoyemba ngambo ya ebale,
Nzembo kitoko, epambwami;
Mpe mawa na biso ekosila,
Mposa ya bopemi esili.

Tokokumisa, tokosanzola
Tata na lola, Ye Malamu;
Mpo na bolingo na Ye ya nkembo,
Mpe mapamboli mabongi be.

34. YESU AFUTI NYONSO

Mobikisi alobi,
“Ozangi makasi,
Senzela bondela,
Zwa nyonso' epai na Ngai.”

Choeur

Afuti nyonso,
Napesa nyonso;
Masumu na ngai nyonso,
Asukoli yango.
Nkolo, nguya na Yo,
Yango nde ekoki
Kopetola maba,
Mpe motema mabe.

Ngai maboko mpamba,
Nasengi se ngolu;
Nasukola'elamba,
Na makila'a Mpate.

35. LOYEMBO YA MBOKA MPO NA ETUMBA

Miso emoni nkembo
Ya bozongi na Nkolo;
Ye a'akonyata ekamwelo
Ya nkanda na Nzambe;
Apelisi mokalikali
Ya mopanga na Ye,
Liloba ekokoba.

Choeur

Nkembo! nkembo, aleluya,
Nkembo! nkembo, aleluya,
Nkembo! nkembo, aleluya,
Liloba ekokoba.

Namoni Ye katikati
na móto mingi be;
Batongeli Ye etumbelo
Na mamwe ya mpokwa;
Namoni ekateli na Ye
Na minda mipeli,
Mokolo na Ye'ekobi.

Ayuli kelelo mpo na
Kozonga nsima te;
Akomeka mitema na esambiselo
na Ye;
Bomoto na ngai ya kati
yanola Ye noki,
Ezali Ye kokoba.

Na kitoko ya fololo
Klistu'abotamaki;
Azali na nkembo ekobongolaka
yo ná ngai;
Tokufa lokola Ye
mpo na kobulisa bato,
Ezali Ye kokoba.

36. MOTEYI MOLEKI

Moteyi moleki
Atambolaki na mboka,
Monduki na lipeka
Mpe Biblia na loboko;
Koteyaka bato ntina
Na mboka ya elaka,
Na mpunda, koyembaka.

Choeur

Napemi, Napemi,
Na loboko ya seko na seko;
Napemi, Napemi,
Na loboko ya seko na seko.

Ateyaki koya ya bosambisi
na móto,
Mpe lola ya nkembo mpo na baye
basembolami;
Wana akatishi ngomba
Toyoki ye koyemba,
Se likolo na mpunda.

Nguya' ezali, nguya kokamwa,
Na makila'a Mpate;
Nguya' ezali, nguya kokamwa,
Na makila ya Mpate.

Monduki na Ye ya kala
Etiami n'etutu,
Biblia na ye etikami
Mpe ezwi putulu;
Tokokutana na mateya
na Ye kuna nsuka,
Liloba ekokoba.

Nkembo! nkembo! Aleluya
Nkembo! nkembo! Aleluya
Nkembo! nkembo! Aleluya
Liloba ekokoba.

37. MPOSA NGAI NAKENDE KUNA

Ndako na lola kitoko be,
Mposa nakende kuna;
Liwa, mpasi ezali te,
Mposa nakende kuna.

Choeur

Mposa ngai nakende kuna,
Mposa nakende kuna;
Ndako na lola kitoko be,
Mposa nakende kuna.

Ekongenga koleka moyi,
Mposa nakende kuna;
Yango ekozala mpo na ngai,
Mposa nakende kuna.

Na nse bato baluki ndako,
Mposa nakende kuna;
Nde ndako ya nse ekobeba,
Mposa nakende kuna.

Nkolo, Ye malamumu mpo na ngai,
Mposa nakende kuna;
Yambo namona ndako yango,
Mposa nakende kuna.

38. NAKOKENDE KINO NA NSUKA

Nkolo nakotambola na pole,
Ekongengela ngai uta na lola;
Seko nakabwani na mokili,
Nakende na Yesu kino na nsuka.

Choeur

Nakokende kino na nsuka,
Elongo na batiolami na Nkolo;
Mpe ngai nakotala basusu te,
Nakokende, Yesu, kino nsuka.

Mingi mpe babandaki mobembo,
Kasi baboyi kokoba na pole;

Pole ya sika mingi balandi,
Nde moke bakani kokoma nsuka.

Natambola bobele na Yesu,
Mpe napema likolo na libanga;
Elongo na Ye nazala seko,
Nazonga nsima te mpo nazanga te.

Ndeko mema ekulusu na yo,
Tika mokili, mona yango mpamba;
Tekisa nyonso, pesa babola,
Kende na Yesu Klisto kino nsuka.

39. YESU ATIKI NKEMBO

Yesu atiki nkembo ya Tata,
Mpe akiti awa na mokili;
Abotami na ndako ya mpate,
Mwana na Nzambe Ye nde Mokonzi.

Choeur

Ezali sôlo,
Ngai nayebi;
Ekomami, mpe nandimi !
Esengo, Yesu alingi ngai,
Elobi Bibliya.

Atambolaki mpe na lisiko,
Na boboto kosilisa mpasi;
Kolimbisaka mpe basumuki,
Apamboli kino bana mike.

Abakamaki na ekulusu,
Ye Mosantu akufelaki ngai;
Na makila na Ye ngai nabiki,
Ntina yango ngai nalingi Yesu.

Ye Molongi abimi na nkunda,
Nkembo na Mwana Mpate na
Nzambe !
Na likolo akolobela ngai,
Akoya koluka ngai nandimi.

40. NAMONA YO

Namona Yo Mokonzi,
Ya bondimi na ngai;
Na bolembu makasi,
Nakosala nini?

Choeur

Mokolo, ngonga nyonso,
Nasengeli na Yo;
Yaka Yesu, zalaka
Pene na ngai.

Banguna babombami,
Pene pene na ngai;
Bango baleki mingi,
Nakosala nini?

Mikolo ya mipepe,
Ya mbonge mpe nsomo,
Wana mpiko esili,
Nakosala nini?

Yesu, bozali na Yo,
Nde bomoi mpe kimia;
Kimia kati na mpasi,
Mpe bomoi libela.

41. LIKABO YA KITOKO

Likabo ya kitoko,
Kopesa na Yesu;
Molimo, nzoto na ngai,
Mbeka ya bomoyi.

Choeur

Yamba likabo na ngai,
Yo Mwana na Nzambe!
Môto na Yo ya bule,
Ekitelaka ngai.
Natiki bomoi na ngai,
Mpe nakobanga te,
Epai na ngolu na Yo,
Mosikoli na ngai.

Móto na Yo epela,
Kati na ngai Nkolo;
Ezikisa mpe nyonso
Euti na Yo te.

Yesu, belema na ngai,
Nasikwami na Yo;
Mpe nazala se wa Yo,
Nkolo, mpo na seko.

42. YO MONENE

Nkolo Nzambe ngai nakamwe mingi,
Manso okela na nguya na Yo;
Namoni minzoto, nayoki nkake,
Nguya na Yo kati na mokili.

Choeur

Nayembeli Nzambe Mobikisi:
Yo monene, Yo monene!
Nayembeli Nzambe Mobikisi:
Yo monene, Yo monene!

Ntango nakoti na kati na zamba,
Koyoka bandeke bakoyemba;
Likolo na ngomba natali na nse,
Nayoki moluka mpe mopepe.

Ntango nakanisi' ete Mwana na Ye,
Atindami mpo akufela ngai;
Mokumba na ngai' amemi n'ekulusu,
Akufi mpo na masumu na ngai.

Ntango Klistu akoya na esengo,
Akozwa ngai nakosepela be;
Nakongumbama, nakomikitisa
Mpe konganga : "Nzambe, Yo
monene."

43. NGUYA YA NTANGO NA KALA

Bazalaki esika moko,
Na boyokani mpenza;

Ntango Molimo akitaki,
Ndenge Nkolo alakaki.

Choeur

Nkolo tinda Nguya na Yo,
Nkolo tinda Nguya na Yo,
Nkolo tinda Nguya na Yo,
Mpe obatisa biso.

Nguya yango ekitaki,
Na mopepe makasi;
Ndemo na móto eyaki,
Ndenge Nkolo alakaki.

Nguya yango' epesamaki,
Na batata na biso;
Elakami na bandimi,
Tokoki kozwa yango.

44. MOSALA NA YO KITOKO

Mosala na Yo Kitoko,
Yesu Mokonzi;
Napesi motema na ngai,
Epai na Yo.

Choeur

Yesu zwa bomoi na Ngai,
Ezali wa Yo;
Na ngolu na Yo monene,
Obatela ngai.

Mposa ya motema na ngai,
kozala bule;
Eloko ngai nalingi,
Mokano na Yo.

Lokola mwanje nalingi,
Kosalela Yo;
Nakotala se Mokambi,
Kotosaka Ye.
Mosala to mpasi mingi,
Nakobanga te;

Yesu Yo Elikya na ngai,
Yo Bozwi na ngai.

Elongo kino na Nkembo,
Tokei liboso;
Toyemba nzembo y'elonga,
Nde tokolonga.

45. AZALI NA YO

Azali na yo,
Azali na yo;
Na butu to na moi,
Azali na yo.

46. ATA NDELE

Tomekami mingi, tomituni,
Mpo na nini' ezali bongo;
Basusu bazali na masumu,
Kasi bakozwa etumbu te.

Choeur

Ata ndele tokoyeba manso,
Tokososola ntina nini;
Zala na mpiko kati na pole,
Tokososola na mwa ntango.

Liwa ekokamata bandeko,
Kotika biso moko mawa;
Mpo na nini basusu balongi,
Wana bakokoba na mabe.

Nkolo alobi, "Zalaka sembo,"
Na mwa ntango mosala' esili;
Mpassi ya nzela tokobosana,
Sokio tokatishi na ngambo.

Wana tomoni Yesu na nkembo,
Kouta na ndako ya Lola;
Tokokutana na Ye likolo,
Tokososola na mwa ntango.

47. MEMAKA

Mobateli akobianga,
Uta lisobe molili;
Akobianga mpate na Ye,
Oyo abungaki nzela.

Choeur

Memaka, memaka,
Mema babungi na Yesu;
Memaka, memaka,
Mpo balongwa na masumu.

Nani 'asunga Mobateli,
Mpo na koluka babungi;
Komema bango n'etonga,
Kuna bakobatelama.

Yoka bango bakonganga,
Na lisobe mpe na ngomba.
Nkolo alobi na yo ete :
«Kende, luka mpate na ngai».

48. LOBA NKOLO

Nkolo ya elanga akobianga :
«Nani 'akosala mpo na ngai lelo»
Nani 'akomemela ngai babungi ?
Nani 'atalisa bango nzela ?

Choeur

Loba Nkolo, loba Nkolo,
Loba mpe nakoyanola Yo;
Loba Nkolo, loba Nkolo,
Loba nayanola : «Tinda ngai!»

Wana likala ya móto' esimbi,
Mosakoli epetoli ye be;
Mpe Nzambe alobi : «Nani
akende?»

Ayanoli : «Nkolo, tinda ngai!»

Mingi na masumu bakokufa,
Yokamela kolela na bango;
Kende mbangu kosalisa bango,

Mpe yanola : «Nkolo, tinda ngai!».
Mosala esili nde kosila,
Wana tokei kuna na ndako;
Nkolo ya elanga akoloba : «Mwana
osali malamau be!»

49. NALINGI YE

Nalingi Ye, Nalingi Ye,
Mpo alingaki ngai;
Azwelaki ngai lobiko,
N'ekulusu.

50. BOLINGO KITOKO

Nzambe alingi ngai mosumuki,
Abongoli mawa na esengo;
Asali nyonso asikoli ngai,
Boling na Ye kitoko.

Choeur

Boling kitoko,
Boling kitoko,
Nzambe' alingaki ngai mosumuki,
Boling na Ye kitoko.

Mpe Klistu amipesi mpo na ngai,
Akufaki kuna n'ekulusu;
Boling moto asosoli te,
Boling ebikisi ngai.

Nkolo Mobikisi akufaki,
Mpo na mosumuki lokola ngai;
Lisiko mpo na moumbu oyo
Atiolaki ngolu na Ye.

Lelo azwi ngai lokola mwana,
Alobi nazali moumbu te;
Nakotelengana lisusu te,
Abelemi koyamba ngai.

51. TOKUTANA NA EBALE

Tokutana na ebale,
Kuna baanje batamboli;

Mayi kitoko kotiola,
Pene na kiti'a Nzambe.

Choeur

Tokutana na ebale,
Ebale kitoko mingi;
Na basantu banso n'ebale,
Pene na kiti ya Nzambe.

Tozwi kati na ebale,
Mokonzi mpe Mobikisi;
Epai mpasi ekosila,
Kuna nkembo na Nzambe.

Pembeni y'ebale yango,
Biso tokosokolaka;
Tokosanjola libela,
Na mokolo kitoko.

Mpe soki tokomi kuna,
Totika mikumba nyonso;
Ngolu ekopesa biso
Elamba mpe motole.

Babulami na ebale,
Bakomonisa Nzambe;
Bakokufa lisusu te,
Bakoyembela ngolu.

Na mwa ntango nde tokomi,
Wana mobembo esili;
Mitema mikosepela,
Na loyembo ya kimia.

52. Amen! Amen! Amen! Amen! Amen!

Amen! Amen! Amen! Amen! Amen!
Okolinga Ye? Amen!
Osalela Ye? Amen!
Ondimeli Ye? Amen!
Amen! Amen!

Biblia nde Sôlo. Amen!
Nandimi yango. Amen!

Liloba na Nzambe. Amen!
Amen! Amen!

Tondimi Okoya. Amen!
Tokomona Yo. Amen!
Yaka Nkolo Yesu. Amen!
Amen! Amen!

53. KONUNA TE

Mboka moko ezali kuna mosika be,
Yango ndako mpo na molimo;
Yesu' atongi yango, mpe kuna liwa te,
Kuna mboka tokenuna te.

Choeur

Konuna te, konuna te,
Kuna mboka tokenuna te,
Konuna te, konuna te,
Kuna mboka tokenuna te.

Na mboka kitoko tokotelema ngwi,
Tokozala kati na kimia;
Mpe tokosanjola Mokonzi libela,
Kuna mboka tokokufa te.

Mosala esili tokozwa mitole,
Soki mimekano esili;
Mpasi esili be, kuna tokoyemba,
Na bandeko bakei liboso.

54. NDIMA MPENZA

Ndimba mpenza,
Ndimba mpenza,
Nyonso 'ekosalema,
Ndimba mpenza
(Yesu azali...), (Ngai nandimi...)

55. PENE NA YO NZAMBE

Pene na Yo Nzambe,
Pene na Yo !
Nde bondimi na ngai :
Pene na Yo.

Soki mpasi eyei,
Ee ! lokola mbonge,
Batela ngai Nzambe,
Pene na Yo.

Pene na Yo Nkolo,
Pene na Yo;
Na mpasi bomba ngai,
Pene na Yo;
Ejali maloji,
Konyokolaka ngai,
Bombaka ngai Nkolo,
Pene na Yo.

Pene na Yo seko,
Pene na Yo;
Bondimi na ngayi,
Nkolo sunga.
Moyini atomboka,
Nde bolingo na Yo,
Ebombi ngai seko,
Pene na Yo.

Pene na Yo Nzambe,
Na lisobe;
Ngai namoni lola,
Pene na Yo;
Ndeko yika mpiko,
Na njembo y'elonga;
Pene na Yo Nzambe,
Pene na Yo.

56. MBOKA POLE MPE KITOKO

Mboka pole mpe kitoko,
Ezali na likolo;
Moto te awa na mokili,
Amoni kitoko oyo.

Choeur

Na mboka oyo kitoko,
Mwana Mpate Ye moko;

Ye nde Bolingo na Nzambe,
Akongenga libela.

Kuna Nkembo ekozala
Mpe na Nzete na Bomoi;
Kuna Ebale na Bomoi,
Ekotondisa Mboka.

Nsima na bampasi nyonso,
Tokokoma na lola;
Esika ya Mai na Bomoi,
Tokozwa kimia seko.

Ntango Yesu akozonga,
Ekozala esengo !
Mboka oyo ya kitoko,
Ekozala libela.

57. POLE NA NKOLO YESU

Pole oy 'a Nkolo Yesu,
Moi kitoko na Nzambe;
Etanisi bomoi na ngai,
Epelisi motema.

Choeur

Moyi kitoko na motema
na ngai,
Ekongenga, ekopesa pole;
Natondami na bolingo,
Nalingi mpe koyemba.

Moi na likolo etani,
Epelisi motema;
Na móto na bolingo be,
Ná nzembo na esengo.

Yakani nyonso bandeko,
Na Mboka oy'a pole;
Kima butu na masumu,
Ndimaka Nkolo Yesu.

58. YESU NZAMBE NA NGUYA

Yesu, Nzambe na Nguya
Ye Nkolo na Kimia;
Ye Tata na libela,
Mokonzi kitoko;
Ye asalaki manso,
Na mayele na Ye;
Litondi na bonzambe,
Ezali kati na Ye.

Choeur

Nyonso na Ye (2x)
Litondi na bonzambe, nyonso na Ye.
Nyonso na Ye (2x)
Yesu azali Nzambe na nguya nyonso.

Ye Emanuele : Nzambe
Elongo na biso;
Ye Molimo azali
Mpe bisika nyonso.
Nganga Nzambe monene,
Ye Mpate na Nzambe;
Ye Nkolo na Lisiko,
Akumama seko !

Y'Ebandeli mpe Nsuka,
Alifa mpe Omega;
Nzambe kati na nzoto,
Moninga na biso;
Mposa na biso nyonso,
Bosembo mpe nguya,
Mayele mpe kobonga,
Tokozwa se na Ye.

Ekomonana Yesu,
Nzambe tokozela,
Akozala esengo
Ya bana' a Israël;
Akoya kosikola,
Ye nde akufaki;
Litondi kati na Ye,

Alongi molili.

59. MOTO EPELI

Móto epeli na motema (4x)
Nalingi Ye na motema (4x)
Natondi Ye na motema (4x)
Aleluya ! Nkembo na Ye (4x)
Yesu akoya koluka ngai (4x)
Oyamba Ye na motema (4x)
Nayambi Ye na esengo (4x)

60. YESU ABUKI MINYOLOLO

Nabelemi n'etumbelo,
Nabelemi n'etumbelo,
Nabelemi n'etumbelo,
Etiami mpo na ngai.

Choeur

Yesu abuki minyololo,
Yesu abuki minyololo,
Yesu abuki minyololo,
Asikoli ngai.

(Nakosanzola Ye seko...)

(Napesa nkembo na Nzambe...)

(Nakonganga Aleluya...)

Nakondima Mobikisi,
Nakondima Mobikisi,
Nakondima Mobikisi,
Apetoli ngai.

Nasimbi elaka na Ye,
Nasimbi elaka na Ye,
Nasimbi elaka na Ye,
Apesaki ngai.

Ngambo y'ebale Yodani,
Kati n'elanga y'Edeni,
Nzete ya bomoi ezali,
Ngai nakopema.

61. NKOLO NA BISO AKOYA

Nazali kozela mbula nkoto
Oyo ya nkembo,
Wana Nkolo akoya, kokamata Mwasi
na Ye;
Natondi na esengo ezali ngai
kosenzela,
Mpo Nkolo na biso akoya na nse.

Choeur

Ee Nkolo na biso akoya na nse,
Ee Nkolo na biso akoya na nse;
Mbula nkoto Satana akokangema
Mpe Masumu,
Ntango Yesu akozonga awa nse.

Koya na Yesu ekobondisa
mokili oyo,
Awa nse mpe likolo tokoyeba
Nkolo Nzambe;
Akobikisa bokono, kopangusa
mpisoli,
Ekozonga Mobikisi
Na biso.

Basikolami na Nkolo
Bakoya na Siona,
Na ngomba na Ye ya bule
Mpasi ekozala te;
Kimia mpe bolingo
Ekotonda na mitema be,
Ntango Yesu akozonga awa nse

Liwa, mpasi, masumu
Na mokili ekosila,
Mbula nkoto elongo na Yesu,
Nkembo mpe kimia;
Mokili eluki komona mokolo'a
lisiko,
Mpo ete Yesu azonga awa nse.

62. LOBI, LELO, LIBELA

Nsango kitoko, motema ekotatola;
Lelo, lobi, libela Yesu abongwi te;
Akobikisa mosumuki
Mpe mobeli;
Akobondisa mpe kosunga,
Nkembo na Ye.

Choeur

Lobi, lelo, libela Yesu
abongwi te;
Manso makoki kobongwa,
Kasi Yesu te!
Nkembo na Yesu,
Nkembo na Yesu;
Manso makoki kobongwa,
Kasi Yesu te.

Ye moninga na basumuki,
Aluki Yo;
Fukama na makolo na Ye,
Yoka mawa.
Maloba ya bolimbisi alobi na yo:
«Nalimbisi Yo, kende mpe
kosumuka te»

Na nguya na Ye abikisi
bato na nse,
Akokangola biso na mpasi
Mpe mawa.
Mpe abikisaki mwasi
Asimbaki Ye,
Oyo alingi litondi na Ye akozwa.

Ye alimbisaki Petelo,
Kobanga te;
Asalisaki Toma,
Akondimisa Yo;
Moyekoli molingami
Alaleli Ye,
Akoyamba yo na bolingo

Epai na Ye.

Na Galilai atambolaki
Na mayi,
Akoki mpe kopekisa mbonge
Na biso;
Asambelaki mpenza na Getesemane,
Keni ya mpasi na biso
Tomeli na Ye.

Elongo na bango
Na nzela y'Emausu,
Alingi tokende na Ye
Na nzela'a bomoi.
Tokomona Ye,
Nkolo, belemisa ntango!
Ekozala se Yesu oyo
Akendeki.

63. NA KOKWEYA TE

Yesu Mobikisi, nakokweya te;
Na bolingo na Ye, nakokweya te;
Lokola nzete pene na ebale,
Nakokweya te.

Choeur

Nakokweya, soko moke te,
Nakokweya, soko moke te;
Lokola nzete pene na ebale,
Nakokweya te.

Ee kati na Klisto, nakokweya te;
Na bolingo na Ye, nakokweya te;
Lokola nzete pene na ebale,
Nakokweya te.

Soko nandimi Ye, nakokweya te;
Akotika ngai te, nakokweya te;
Lokola nzete pene na ebale,
Nakokweya te.

Nkembo Aleluya, nakokweya te;
Longo na ngai Yawe, nakokweya te;

Lokola nzete pene na ebale,
Nakokweya te.

Ata lifelo eyei, nakokweya te;
Yesu asimibi ngai, nakokweya te;
Lokola nzete pene na ebale,
Nakokweya te.

Ata mbonge eyei, nakokweya te;
Libanga'a Bileko, nakokweya te;
Lokola nzete pene na ebale,
Nakokweya te.
Kati na bolingo, nakokweya te;
Na Ye ngai nalikyi, nakokweya te;
Lokola nzete pene na ebale,
Nakokweya te.

Nakolia liloba, nakokweya te;
Azali Mokambi, nakokweya te;
Lokola nzete pene na ebale,
Nakokweya te.

64. OYEBI TE ?

Oyebi te ozali tempelo,
Oyebi te ozali tempelo,
Oyebi te ozali tempelo,
Tempelo ya Molimo Mosantu?

Nayebi ngai nazali tempelo,
Nayebi ngai nazali tempelo,
Nayebi ngai nazali tempelo,
Tempelo ya Molimo Mosanto.

Natondi na nkembo mpe na nguya,
Natondi na nkembo mpe na nguya
Natondi na nkembo, mpe na nguya,
Nazali tempelo ya Molimo.

65. EMMANUEL

Emmanuel, Emmanuel;
Nkombo na Ye, Emmanuel.
Ye ná biso,

Tomoni Ye,
Nkombo na Ye, Emmanuel.

66. YE MOBIKISI NA NGAI

Ye Mobikisi na ngai,
Yesu na ngai, Yesu na ngai.
Ye Mobikisi na ngai,
Ye Mobikisi na ngai.

Yesu, Yesu, Yesu, Yesu,
Yo Mobikisi na ngai,
Yo Mobikisi na ngai.

67. NGAI NABOTAMI

Ngai nabotami mbala ya mibalé,
Ngai nabotami, Nkolo natondi Yo.
Mai, Molimo, Makila, mbala ya
mibalé;
Mai, Molimo, Makila, Nkolo natondi
Yo.

68. NALINGI YE NTANGO NYONSO

Nalingi Ye ntango nyonso, nalingi Ye
ntango nyonso.
Pene na Ye nakozala,
Nalingi Ye ntango nyonso.

69. LIBONDELI

Libondeli, libondeli,
Uta mokili ememi ngai
Pene na kiti ya Tata,
Nayebisa mposa na ngai;
Na ntango ya mpasi mingi,
Motema ebondisami,
Na libondeli'ebombami,
Mosika ya masenginya.

Libondeli, libondeli,
Nayoki esengo mingi
Ná baye batondisami
Na mposa ya boyei na yo;

Elongo na bango nakei
Mpo namona Mobikisi;
Na esengo natelema,
Kozela yo libondeli.

Libondeli, libondeli,
Omema bosenga na ngai
Epai na Ye Nzambe sembo,
Mpo ete apambola ngai;
Asali'ete naluka Ye,
Nandima liloba na Ye;
Mikumba natikeli Ye,
Nazeli yo libondeli.

70. MOKILI YA NGAÏ TE

Mokili ya ngai te,
Nazali moleki;
Kuna na likolo,
Nazali na bozwi.
Baanje babiangi ngai,
Uta na likolo;
Ngai nasepeli te,
Na mokili ya nse.

Choeur

Nkolo'oyebi,
Yo Moninga na ngai;
Ngai nazanga lola,
Nakosuka wapi?
Baanje babiangi ngai,
Uta na likolo;
Ngai nasepeli te,
Na mokili ya nse.

Banso bazeli ngai,
Nayebi mpe yango ;
Mpe ya ngai ná Yesu,
Nabongisi nyonso.
Wana ngai nalembi,
Akopesa mpiko;
Ngai nasepeli te,
Na mokili ya nse.

Na mboka ya nkembo,
Tokobika seko,
Basantu bazali
Konganga: "Elonga!"
Nzembo kitoko be,
Kouta na lola;
Ngai nasepeli te,
Na mokili ya nse.

71. BILAKA YA BIBLIA

Bilaka ya Biblia mpo na ngai,
Mokapo, eteni, molongo;
Nandimeli Bolingo na Nzambe,
Bilaka ya Biblia mpo na ngai.

72. NATELENGANAKI MINGI

Natelenganaki mingi,
Nazangaki mokambi !
Motema na ngai, na mposa,
Etondaki na mpasi.
Wapi loboko na nguya
Mpo ete esunga ngai,
Awa ngai kati na nzela
Namoni liwa koya.

Mobikisi, Nkolo Yesu,
Ayokeli ngai mawa;
Alobi : «Ngai nalingi yo,
Nasopaki makila.»
Ô Yesu loboko na Yo
Esungi ngai na liwa,
Mpe opesi ngai likabo
Ya motema na sika.

Bolimbisi Ye apesi,
Yango elikya na ngai;
Napesi motema na ngai:
Eloko Ye asengi.
Ô Yesu loboko na Yo
Esungi ngai na liwa,
Mpe opesi ngai likabo

Ya motema na sika.

Sikawa, kati n'esengo,
Azali kokamba ngai;
Moko te akobotola kimia
Nazwi na Klisto.
Yesu apesi ngai kimia,
Apesi ngai bolingo;
Na Yesu ngai namipesi,
Sikawa mpe libela.

73. YESU, NAKOBOSANA TE

Nakobosana te,
Bolamu na Yo.
Nakobosana te:
Osikoli ngai.
Nakobosana te,
Osikoli ngai.
Yesu, nakobosana yango te

74. EKOZALA ESENGO

Ntango tokokende na nkembo ná Nkolo,
Ekozala esengo !
Mpasi mpe mitungisi ya nse esili,
Ekozala esengo !

Choeur

Ekozala esengo,
Mikumba lisusu te !
Koyemba, ngonga kobeta na mitema,
Ekozala esengo.

Kotambola mpe kosolola na Klisto,
Ekozala esengo !
Kosanzolaka Oyo aleki banso,
Ekozala esengo.

Mipepe mikoningisa lisusu te,
Ekozala esengo !
Nkolo akobatela biso libela,
Ekozala esengo.

75. YESU AMEMA EKULUSU YE MOKO?

Yesu amema ekulusu
Bobele Ye moko?
Te, ekulusu mpe ezali
Mpo na yo, mpo na ngai.
Ekulusu ngai nakomema,
Kino liwa na ngai;
Mpe motole ngai nakolata,
Kuna na likolo.

Kuna na makolo na Yesu,
Na mboka ya nkembo;
Ngai nakokitisa motole,
Se na nkombo na Ye.

Ô Ekulusu ! Ô Motole !
Ntango ya lisekwa !
Bino baanje bokita na nse,
Mpe bonetola ngai.

76. NGAI NANDIMI SE YO

Ngai nandimi Se Yo,
Mpate ya Golgotha,
Mobikisi;
Yamba libondeli,
Longola masumu,
Tika ete ngai nazala
Wa Yo.

Tika ngolu na Yo
Elendisaka ngai,
Nazwa mpiko;
Okufelaki ngai,
Boling mpo na Yo,
Ekita te, epelaka
Seko.

Wana na molili,
Mimekano mingi,
Kambaka ngai;

Pesaka ngai pole,
Pangusa mpisoli,
Ngai nakende te mosika
Na Yo.

77. NAZALI KATI

Nazali kati na bato baye,
balati bilamba ya mpembe;
Nazali kati na bato baye,
balati bilamba ya mpembe.

Basukolamaki na makila,
nazali kati na bango;
Basukolamaki na makila,
nazali kati na bango.

Yowani'amonaki bato yango,
balati bilamba ya mpembe;
Yowani'amonaki bato yango,
balati bilamba ya mpembe

78. NKEMBO MPO NA NZAMBE

Nkembo mpo na Nzambe!
Bolinga na Ye,
Na motema na ngai,
Epesi pole.
Yesu, n'ekulusu,
Akufeli ngai,
Apesi ngai Ngolu,
Nayambi yango.

Chœur:

Nkembo mpo na Nzambe!
Mokili, yoka Ye!
Nkembo mpo na Nzambe!
Mokili, sepela!
Yakani na Tata,
Yesu alongi,
Mokili mobimba eyembela Ye.
Na Yesu mitema

Mizwi esengo;
Ntina te bamona
Bozwi na biso;
Yesu alakaki
Akobongola
kolela n'esengo,
Ekozonga Ye.

79. NA YE OYO ASUKOLAKI

Na Ye Oyo' asukolaki,
Mpe'alingaki biso;
Asikoli na makila,
Na Ye nkembo, nkembo, nkembo
Mpe masanzoli.

Toyemba nzembo na sika
Mpo na Mwana Mpate,
Molongi'abimi na nkunda,
Ee, nkembo, nkembo, nkembo
Mpe masanzoli.

Tokumisaka Molongi,
Yesu Mobikisi;
Alongi banguna banso,
Ee, nkembo, nkembo, nkembo
Mpe masanzoli.

Akozonga uta lola,
Banso bakomona;
Mokili'ekosanzola Ye,
Ee, nkembo, nkembo, nkembo
Mpe masanzoli.

80. POLE

Wana ngai na molili Yesu'abelemi
na ngai,
Na pole ya bolingo na Ye'abengani butu.

Chœur:

Pole'ezali kati na ngai lelo,
Pole, pole, kati na nzela;
Masumu Mobikisi alongoli,

Mpe nazwi pole ya bolingo na Ye.

Mapata masangana, mpe mbonge
ezinga ngai,
Mokili eyinda, pole'ezali kati na ngai.

Kotambola na Pole na Nkolo,
mpe bondeko;
Nakoba na mpiko natika mokili nsima.

Nazali kokatisa elanga mpe lisobe,
Na bolingo na Ye nabuka
mbuma'ekomeli.

Ye pole ayaki'epai na ngai nakomona Ye,
Kotalaka elongi na Ye mpo na libela.

81. NKOMBO EKOBIANGAMA

Kelelo na Nkolo ekobeta
ntango esili,
Mokolo kitoko ya sêko'ekoya;
Wana basikwami basangani
ngambo n'ebale,
Nkombo ekobiangama, nakozala.

Choeur

Nkombo ekobiangama kuna,
Nkombo ekobiangama kuna,
Nkombo ekobiangama,
Nkombo ekobiangama, nakozala.

Ntongo kitoko bakufi na Nkolo
bakosekwa,
kati na nkembo ya lisekwa na Ye;
Mpe baponami basangani na ndako
ya lola,
Nkombo ebiangama, nakozala.

Boye tosalela Nkolo na ntongo
kino mpokwa,
Toloba ntina na Bolingo na Ye;

Mpe ntango bomoi ekokende mpe
mosala'esili,
Nkombo ekobiangama, nakozala.

82. NKOMBO NA NKOLO

Nkombo na Nkolo, 2x
Nkombo na Nkolo ekumama.

Yesu nde Nkombo, 2x
Yesu nde Nkombo na Nkolo.

Sanzola Nkombo, 2x
Sanzola Nkombo na Nkolo.

83. NTANGO TOKOKOMA LOLA

Ntango tokokoma lola,
Ekozala mokolo ya esengo;
Tokomona Yesu,
Tokoyemba mpe elonga.

84. NGAI NAKOLONGA

Ngai nakolonga, ngai nakolonga,
Ngai nakolonga, ngai nakolonga;
Mpo nalingi Yesu, Mobikisi na
ngai,
Ye mpe'alingsi ngai.

85. BONDELA NA NGAI NGONGA MOKO

Bondela na Ngai ngonga moko,
Ekei Ngai kuna, ekei Ngai kuna;
Bondela na Ngai ngonga moko,
Wana nakei kobondela.

86. MOSUMUKI, NAKOBIKISA YO

Mosumuki nakobikisa yo;
Namoni mpasi na yo,

Kasi mpo na kozwa lisiko,
Yekola kotosaka ngai.
Tala natelemi n'ekuke,
Mobikisi, Nkolo na yo;
Ngai namemeli yo nde bozwi:
Fungolela Ngai motema.

Nabotamaki mpo na yo,
Bomoi napesaki mpo na yo;
Nde motema na yo ezangi
Esika mpo na Mokonzi?
Mbala mingi n'ekuke na yo
Nakobeta, kasi mpamba.
Mokolo ekomi na mpokwa,
Okofungolela ngai te?

Solo okoluka Ngai te,
Wana na molili ya seko?
Lipapu na Ngai ebomba yo,
Nazala nyonso mpo na yo.
Noki noki ntango' ekoleka,
Mpo nini okozela lobi?
Mokolo moko okobeta
Ekuke, kasi se mpamba.

Soki' osengeli na Ngai te,
Tosa, ata ososoli te.
Kino ntango nini nazela?
Nkolo asengeli na yo.
Tala natelemi n'ekuke,
Mobikisi, Nkolo na yo;
Ngai namemeli yo nde bozwi :
Fungolela Ngai motema.

87. KUMISA YESU, KUMISA EMMANUEL

Kumisa Yesu, kumisa Emmanuel,
Nkolo na bankolo,
Monzoto'a ntongo.
Na bileko nyonso
Nakumisa Ye,

Mpe nakokonza ná Ye libéla.

88. AZALI NDE NKOLO

Azali nde Nkolo,
Asekwi na bakufi, Ye Nkolo.
Banso bafukama mpe baloba :
Yesu Klisto, Nkolo.

89. ELONGA YA NGAI

Elonga ya ngai, 2x
Nazwi elonga lelo;
Satana kende mosika,
Nazwi elonga lelo.
(Esengo, Lobiko,
Bonsomi, Bolingo)

90. TALA LELO NDE MOKOLO

Tala lelo nde mokolo
Nkolo aponi,
Nkolo aponi;
Tokozala na esengo
Kati na yango, kati na yango.
Tala lelo nde mokolo,
Tokozala na esengo,
Tala lelo nde mokolo
Nkolo aponi.

91. TOKENDENI

Tokendeni na ndako ya Tata,
Ya Tata na ngai, ya Tata na ngai.
Tokendeni na ndako ya Tata,
Kuna se kimia.

Akumama, aleluya!
Akumama, amen.

92. YESU, TOZALI AWA

Yesu, tozali awa 3x
Tozali awa mpo na Yo.

Akumama, aleluya !
Akumama, amen.

Nkolo, tozali awa 3x
Tozali awa mpo na Yo.

Akumama, aleluya!
Akumama, amen.

93. ASIKOLI NGAÏ

Esengo, Asikoli ngai 3x
Nkembo, aleluya, Asikoli ngai.
Esengo, Abikisi ngai 3x
Nkembo, aleluya, Abikisi ngai.
Akumama, aleluya!
Akumama, amen.

94. YOKA NTINA

Yoka ntina y'esengo na ngai:
Yesu alimbisi masumu na ngai;
Mpe sikawa nazali koyemba,
Bolingi monene na Yesu.

Yesu alongoli na motema na ngai,
Mokumba monene mpe nazwi kimia;
Mpe sikawa nazali koyemba,
Bolingi monene na Yesu.

95. ESENGO

Esengo, esengo,
Moklisto akondimaka nyonso;
Esengo, esengo,
Moklisto 'azwaka ya malam.

96. MWANA MPATE

Mwana Mpate ná nsango oy'a ngolu,
Nayoka nde mongongo,
Maloba n'ekulusu :
Bazwi Ngai mpo na yo,
Batioli, babeti,
Mpe bazokisi Ngai,

Mpo na mabe na yo.

Mwana Mpate ná nsango oy'a ngolu,
Nasumuki mpe nayeï,
Nabondeli, yanola!
Nalataki 'ekoti
Ya nzube mpo na yo,
Mpe nabetamaki
Mpo na mabe na yo.

Mwana Mpate ná nsango oy'a ngolu,
Na motema lekisa
Makila na yo, Nkolo !
Natobolamaki,
Makila'etangaki,
Mpe elimwisaki
Bomoi mabe na yo.

Mwana Mpate ná nsango oy'a ngolu,
Namitiki, nandimi;
Bolimbi nayambi!
Na mwana 'asikwami
Mpe akotosa Ngai,
Napesi bosantu
Mpe bonzenga na Ngai.

97. TOZALI BANA YA TATA

Tozali bana ya Tata,
Basangoli' elongo na Mwana;
Tozali na bokonzi na Ye,
Tozali libota moko.

98. OZANA

Ozana! Akumisama,
Libanga ya lobiko mpo na ngai!
Ozana! Akumisama,
Libanga ya lobiko mpo na ngai!

Tokumisa Nkolo' elongo,
Abongi na masanzoli.
Tokumisa Nkolo elongo,

Abongi na masanzoli.

Nkembo mpo na Nkembo
na Ye,
Azali na bomoi sêko.
Nkembo mpo na Nkembo
na Ye,
Azali na bomoi sêko.

Nkembo na Ye Yawe - Yilé,
Apesi bosenga na ngai.
Nkembo na Ye Yawe - Yilé,
Apesi bosenga na ngai.

Nkembo na Ye Yawe - Rafa,
Akobikisa bokono.
Nkembo na Ye Yawe - Rafa,
Akobikisa bokono.

Nkembo na Ye Yawe - Shaloom,
Akopesa kimia na Ye.
Nkembo na Ye Yawe - Shaloom,
Akopesa kimia na Ye.

Nkembo na Ye Yawe - Nissi,
Azali benedele na Ngai.
Nkembo na Ye Yawe-Nissi,
Azali benedele na Ngai.

Nkembo na Ye Yawe - Shamma,
Azali kati na biso.
Nkembo na Ye Yawe - Shamma,
Azali kati na biso.

99. N'EBALE CONGO

N'ebale Congo ngai nakei,
Koyembaka;
Mongongo ya lola mpe ya nse,
Eyeli ngai' esengo;
Nyonso' etalisi ngolu na Yo, Mosikoli,
Oyei na ekolo na ngai,
Mpo na kobikisa ngai.

Choeur :

Oh! lisolo ya kokamwa,
Akufeli ngai;
Yesu Mokonzi na Nkembo,
Ngai ndeko ya Mokonzi.

Boumbu na ngai esili!
Nzambe ayei,
Kobongola moto mabe,
Mpe akopesa pole;
Nkisi te, bikeko mpe te, botutu' esili;
Mpo na oyo akondima:
Yesu alongi liwa.

Choeur :

Lisolo etondi nkembo,
Akufeli ngai;
Yesu Mokonzi na nkembo,
Ngai ndeko ya Mokonzi.

Lualaba ekoyemba :
Klisto ayei;
Congo nganga mpe makasi,
Ete Ye nde Molongi;
Ubangi lobaka na nse :
Azali koya.
Mpe ekelamu mobimba,
Eyanola elongo :

Choeur :

Lisolo ya likamwisi : Akufeli ngai.
Yesu Mokonzi na nkembo,
Ngai ndeko ya Mokonzi.

100. NKOLO ALINGI NGAI

Nkolo' alingi ngai,
Nde bozwi na ngai,
Nkolo' alingi ngai,
Ye Bolingo!

Choeur :

Nakoloba seko :
Nkolo' alingi ngai,

Nkolo' alingi ngai,
Ye Bolingo!

Kati na mpasi,
Makasi mingi,
Kati na mpasi
Nazindaki.

Mpe na bolozi,
Kozanga' elikya,
Mpe na bolozi :
Nalelaki.

Ngai ná mikumba
Mpe minyololo,
Ngai ná mikumba
Nabungaki.

Nzambe na ngolu,
N'esika na ngai,
Nzambe' apesaki
Mwana na Ye.

Lokola mbeka
Mpo na bosembo,
Lokola mbeka.
Amikabi.

Mokumba na ngai,
Ya mabe na ngai,
Mokumba na ngai,
Amemaki.

Ye atikaki
Tata mosika,
Mpo na kokufa
N'ekulusu.

Akopetola mpe
Bomoi na ngai,
Akopetola
Na makila.

Nkembo se na Yo,

Elonga na Yo,
Nkembo se na Yo
Mwana Mpate.

101. NKOLO ABIANGI

Nkolo' abiangi nabila Ye,
Namema ekulusu!
Nayanoli : "Mobikisi,
Tala ngai naye na Yo."

Choeur :

Nabila Yo kino nsuka,
Na mpasi to esengo;
Wa Yo na liwa to bomoi,
Wa Yo, Yesu, libela.

Kasi nzela n'ekulusu
Moke mpe ya likama,
Nzela ya moto ye moko,
Ya mpasi mpe molili.

Okotika' ata baninga,
Mpe basosoli yo te,
Mokili'ekofinga mpe yo,
Mokili'ekotiola yo.

Kondima mpe ata liwa,
Komimona se mpamba,
Kasi bosenga se moko :
Linga Yesu, nde bozwi!

Yesu akopesa ngolu
Mpo ete obila Ye,
Ná Ye esengo, elonga,
Kimia, bomengo seko.

102. NALINGI KOMONA YE

Na mboka nakotambola mpe koyemba,
Kokamba bato kuna na ekulusu;
Mbanzi mingi ezokisi motema na ngai,
Nkolo akokamba, na Ye nalongi.

Choeur :

Nalingi komona elongi na Ye,
Mpo na seko nayemba ngolu na Ye;
Na nzela ya nkembo tika nanganga,
Mitungisi'esili, nasepeli be.

Na mosala na Nkolo soki molili,
Nakobelema na Ye angengela ngai;
Mitambo ya Satana mitungisi ngai,
Nkolo'akei liboso, kokamba manso.

Kati na lobwaku natomboli miso,
Mpe namoni Nkolo kokamba etumba;
Asemboli loboko epayi na ngai,
Akokamba ngai mpe nakei liboso.

Soki mbonge emati uta ewelo,
Nde Nkolo akotambwisa bwato na ngai;
Akokamba ngai kati na mokili'oyo,
Ye Moninga na ngai, ô nalingi Ye.

103. NA LIBOTA...

Na libota bosana losambo te,
Bokozala na Yesu;
Akobondisa bino,
Na libota bosana losambo te.

104. NKEMBO NA YESU

N'ekulusu 'epai akufaki,
Kuna nasengaki bopeto;
Epai makila'epetoli ngai
Nkembo na Yesu!

Choeur :

Nkembo na Yesu!
Nkembo na Yesu!
Epai makila'epetoli ngai;
Nkembo na Yesu.

Na likamwisi ngai nabiki,
Yesu afandi kati na ngai;
N'ekulusu akamati ngai;
Nkembo na Yesu.

Liziba oyo'epetolaka!
Esengo mpo nakoti kuna;
Esika Yesu'sukoli ngai,
Nkembo na Yesu.

Yaka na liziba kitoko;
Mitika'epai na mobikisi;
Zinda lelo opetolama;
Nkembo na Yesu.

105. NGUYA NA MAKILA

Olingi 'otika masumu na yo?
Nguya ezali kati na makila;
Olingi kolonga mpe masumu?
Nguya ezali na makila.

Choeur :

Nguya'ezali, nguya kokamwa
Na makila'a Mpate,
Nguya'ezali nguya kokamwa,
Na makila ya Mpate.

Olingi kozala mpenza mpembe?
Nguya ezali kati na makila;
Bosoto ya masumu'esukwami,
Nguya ezali na makila.

Olingi'osalela Nkolo Yesu,
Nguya ezali kati na makila;
Olingi 'obika, oyembela Ye?
Nguya ezali na makila.

106. NZAMBE ABATELAKA BINO

Nzambe abatelaka bino!
Toli na Ye'esunga bino,
Abomba bino n'etonga,
Kino ntango tokomonana!

Choeur :

Tokomonana lisusu!
Na makolo na Yesu;
Tokomonana lisusu!
Nzambe abatelaka bino!

Nzambe abatelaka bino!
Na nse ya mapapu na Ye,
Apesaka bino mana,
Kino ntango tokomonana!

Nzambe abatelaka bino!
Mpe soki likama liyei,
Bosimba maboko na Ye,
Kino ntango tokomonana!

Nzambe abatelaka bino!
Na nse ya bendele na Ye,
Bolonga mbonge ya liwa,
Kino ntango tokomonana!

107. SIMBA LOBOKO YA NZAMBE

Mokili etondi mbongwana,
Mpe nyonso ekoleka,
Likya na oyo ya seko,
Simba loboko'a Nzambe!

Choeur :

Simba loboko'a Nzambe,
Simba loboko'a Nzambe;
Likya na oyo ya seko,

Simba loboko'a Nzambe.
Ndimela bobele Nzambe,
Ata nini 'eyeli yo;
Soki baninga bakimi,
Kangama se na Nkolo.

Bozwi ya nse kolula te,
Ekobebaka noki;
Luka nde bozwi ya lola,
Ekoumela seko.

Mpe na nsuka ya mobembo,
Soki 'ozalaki sembo;
Okonetwa mpe na nkembo,
Na ndako kitoko be.

108. KOLATA MOTOLE

Ngai mobundi y'ekulusu,

Molandi na Mpate;
Nabanga nde kosalela,
To kosakola Ye?

Choeur

Mpe na nsuka n'etumba,
motole ezali, motole ezali,
motole ezali,
Mpe na nsuka n'etumba,
motole ezali kuna na Yelusaleme.

Motole, motole, tokolata motole.
Mpe na nsuka n'etumba,
motole ezali
Kuna na Yelusaleme.

Nde nakende nzela lola,
Na bozangi mpasi,
Ntango basusu babundi,
Makila etangi.

Ngai nde nazangi banguna,
Mbonge ya kolonga?
Mokili ekosunga te,
Kokende na lola.

Nabunda mpo na kokonza,
Nkolo pesa mpiko;
Liloba na Yo esunga
Ngai kati na mpasi.

109. MBOKA YA POLE

Mboka moko'ezali kuna na lola,
Mboka oyo butu nde ezali te;
Soki tondimi tokokende kuna,
Mboka oyo mpate azali pole.

Choeur :

Mboka oyo Mpate azali pole,
Mboka oyo butu ezali te;
Ndako na ngai ezali, soki nasikolami,
Nde nakei kuna Mpate Ye pole.

Awa tongengisami nde toyebi,
Ete moyi engengisi sikawa;
Ekobongwa mapata wana tokei,
Mboka oyo Mpate azali pole.

Kuna fololo mingi mpe mokolo,
Ekozala seko ata butu te;
Mpisoli'ekopangusama libela,
Mboka oyo Mpate azali pole.

Awa tosepelel ata moke te,
Elikya na biso etemelami;
Awa kolela, na lola esengo,
Mboka oyo Mpate azali pole.

Moyi ezimama to butu eya,
Nde motema na ngai ekobanga te;
Nayebi na lola ngai nazwi ndako,
Mboka oyo Mpate azali pole.

110. LEKANA NGAÏ TE ...

Lekana ngai te Mobikisi,
Yokamela ngai;
Ekotala Yo basusu,
Lekana ngai te.

Choeur:

Mo-bi-ki-si,
Yokamela ngai;
Ekobianga Yo basusu,
Lekana ngai te.

Penepene na Kiti na Yo,
Ngai nazwa kimia;
Efukami ngai na mawa,
Pesa bondimi.

Natalela bobele Yo,
Naluka se Yo;
Bikisa molimo na ngai,
Na ngolu na Yo.

Yo nde liziba ya kimia,

Oleki bomoi;
Mpe moko te lokolaYo,
Na lola, na nse.

111. TOSALA MOSALA ...

Mboka ya bopemi nayei,
Ntango nini oyo,
Nakotika bibundeli
Mpo nazonga ndako?

Choeur :

Tosala mosala,
Kino Yesu' akoya;
Tosala kino tokozonga,
Na ndako.

Na Yesu Klisto napemi,
Natelengana te;
Ngai nabatelami na Ye,
Kino kuna ndako.

Naluka elongi na Ye,
Nakoningana te;
Na Ye natelemeli liwa,
Kino na lola.

112. TOTONDI N'ESENGO

Totondi n'esengo, kotatolaka Liloba,
Totondi n'esengo, kotatola Nkolo.

Choeur

Tokoba, tokoba kotatolaka Liloba,
Tokoba, tokoba kotatola Nkolo.

Satana alingi te totatolaka Liloba,
Satana alingi te totatola Nkolo.

113. MASUWA YA LOBIKO

Totepi na ntango solo,
Tokoumela te;
Mpe mapata molili
Makobongwa pole.

Bongo toyika nde mpiko
Mpo tobatelami;
Masuwa'a lobiko eyei,
Kozwa baponami.

Choeur

Ndeko yika mpiko,
Mpasi na biso'ekosila,
Kuna lola tokokutana
Na balingami.
Tozali bapaya,
Tokoluka mboka moko,
Masuwa'a lobiko eyei
Kozwa baponami.

Moyini alobi ete
Ezali ntina te:
Kozala Moklisto,
Kobika na Nkombo'a Yesu;
Nkolo alobi na biso,
«Nakosunga bino,
Bondimela ngai,
Nakomema bino na mboka.»

Na bondimi ngai namoni
Masuwa'a lobiko,
Kotiola n'ebale
Mpo na kobikisa biso,
Na libongo tokosema
Mpe na balingami.
Mokumbi abiangi : «Tala,
Masuwa'ebelemi!»

Kota na masuwa awa
Ezali koleka;
Soki olekisi ntango,
Okufi libela;
Bafuti mpo na yo,
Mokumbi akobianga yo,
Kota na masuwa
Ekomema yo na mboka.

114. NALINGI YE

Mokili elongwi kati na ngai;
Na Makila bobangi esili;
Nangumbami kuna'ekulusu;
Makila na Yesu ekopetola ngai.

Choeur

Nalingi Ye, nalingi Ye,
Mpo alingaki ngai;
Azwelaki ngai lobiko,
n'ekulusu.

Nabungaki kati na masumu;
Mokangami ya mposa ya nzoto;
Nabangaki kondimela Nzambe;
Sikawa nasukolami na Makila.

Ngai moumbu Klisto asikoli;
Mokufi miso namoni pole;
Nakufaki, apesi ngai bomoi,
Mpo na kosakola kimia na mokili.

115. NASANZOLA

Emonaki ngai liziba,
Efungwami mpo na ngai,
Mpe natosaki Molimo,
Alobi napetwama.

Choeur

Nasanzola, Mwana mpate,
Akufelaki bato;
Banso bakumisaka Ye,
Mpo Makila ekopetola.

Ata nzela eyei moke,
Eloko ngai nasengi,
Mposa mpe mikano na ngai
Ezala na ntina te.

Móto na Nzambe epeli,
Ee! na motema na ngai,
Nakotika te koyemba,
Nkembo na Nkombo na Ye.

Nkombo na Ye' ekumisama,
Natondi na esengo;
Ye alimbisi masumu,
Apetola motema.

116. EBOMBAMI TE

Ebombami te mwango na Nzambe,
Oy'asalaki, akosala mpe;
Akoyamba yo na bolimbisi,
Ebombami te mwango na Ye.

Ebombami te nandimi sôlo,
Mpe miso ma ngai mafungwamaki;
Nayebaki Ye na ntango yango,
Eyokaki ngai mosakoli.

Ebombami te esika yango,
Mosakoli akotisaki ngai;
Pole engengaki na motema,
Ebombami te, nalandi Ye.

Ebombami te lotomo na Ye,
Azali koleka mosakoli;
Mwanje na nsambo, mwana na moto,
Ye Eliya alakamaki.

117. NKOLO YESU ALINGI NGAÏ

Nkolo Yesu'alingi ngai,
Elobi Bibiliya;
Bana bazali ba Ye,
Ye na nguya, bango te.

Choeur

Yesu'alingi ngai,
Yesu'alingi ngai,
Yesu'alingi ngai,
Elobi Bibiliya.

Ye akufelaki ngai,
Mpo afungola lola;
Mabe akolongola,
Mpe akokotisa ngai.

Nkolo Yesu'alingi ngai,
Ata kati na mpasi;
Uta lola Ye Nkolo,
Akobelakana ngai.

118. FOLOLO YA LOBWAKU

Na Yesu nazwi moninga,
Ye manso mpo na ngai.
Ye kitoko koleka nkoto zomi;
Ye fololo ya lobwaku,
Na Ye nde ngai nazwi.
Bosenga ya bopetolami na ngai.
Ye lisungi na mpasi,
Bopemi ya sôlo,
Asengi ngai natikela Ye manso.
Aleluya!
Ye fololo ya lobwaku,
Monzoto ya ntongo;
Ye kitoko koleka nkoto zomi.

Akamati mpasi na ngai,
Mpe amemi yango;
Na masenginya Ye nde ebombelo;
Mpo na Ye natiki manso
Nabuki bikeko
Na motema, mpe Ye abateli ngai.
Mokili eboya ngai,
Satana'ameka ngai,
Ná Yesu Klisto nakokoma nsuka.
Aleluya!
Ye fololo ya lobwaku,
Monzoto ya ntongo,
Ye kitoko koleka nkoto zomi.

Akotika ngai awa te,
Akokima ngai te,
Nandimi, nasali mokano na Ye;
Azingeli ngai na móto,
Mpe nakobanga te;
Na mana na Ye akoleisa ngai.

Wana tokei na nkembo,
Mpo na komona Ye,
Kuna ebale y'esengo etioli.
Aleluya!
Ye fololo ya lobwaku,
Monzoto ya ntongo,
Ye kitoko koleka nkoto zomi.

119. NANDIMI SÔLO

Nandimi sôlo: Yesu wa ngai!
Ngai nameki elengi'a lola!
Nabiki sôlo na Molimo,
Napetolami na makila.

Choeur

Lisolo na ngai
Nzembo na ngai
Kokumisaka
Mobikisi (bis).

Botosi mpenza, kitoko be,
Konetolama, ngai namoni;
Baanje kowuta lola bayei
Na ngolu sôlo mpe bolingo.

Botosi mpe manso mapemi,
Mobikisi apamboli ngai;
Kosenzela, miso likolo,
Natondi na bolamu na Ye.

120. NANDIMELI NZAMBE

Nandimeli Nkolo Nzambe,
Akosala oyo' alaki;
Ndima, tosa mpe lobaka :
"Ngai nandimeli Nzambe."

Olingi kozwa lobiko,
Molimo 'Santu mpe nguya?
Ndima, tosa mpe tatola:
"Ngai nandimeli Nzambe."

121. NA BOMENGO MONENE

Na bomengo monene,
Nalingi na mpiko
Kosanzola boboto
Na Yo Nkolo.

Mpo na ngai n'ekulusu
Makila etangi,
Mpe bolingo na Tata
Eyeli ngai.

Mbeka na Yo'elongoli
Mpe masumu ma ngai,
Epesi ngai bosembo,
Kimia na Yo.

Libula nazwi na Yo
Kati na bondimi,
Mpe motema napesi
Nyonso na Yo.

Wa Yo kati na bozwi
Ata na bozangi,
Wa Yo kati na mpasi
To bokono.

Ngai wa Yo na mokili,
Wapi nazeli Yo;
Wa Yo pene na Tata,
Mpo na sêko.

122. JERIKO

Bana na Yisaele
Bakambami na Yawe
Bakatisi Yodani
Na likamwa ya Nzambe;
Epekiseli eyei,
N'ekuke ya Kanana,
Kotikisa esengo
Nde libanga Jeriko.

Choeur

Jeriko! Jeriko!
Boyemba na esengo!
Nzembo ekweisaka
Bitutu ya minene.

Bakatamaki ngenga,
Bamikabi na Nzambe,
Mpe limpinga ya lola
Ezalaki na bango;
Nzambe' alobi na Yosua:
"Mboka oyo'a masumu
Ná babundi na yango
Ngai nakolonga ná yo."

Banso mpe batosaki
Mongongo ya kelelo,
Ná Sanduku na Yawe
Bazingelaki mboka;
Na mpwasa Yosua' alobi:
"Bonganga mpe makasi,
Yawe apesi biso
Mboka' oyo ya lofundu."

Banso mpe bangangaki:
"Nkembo, Nzambe Molongi."
Ná lokito makasi
Bitutu bikweyaki;
Botosi nde kondima,
Nzambe alobi bongo.
Nzembo'a motema mpeto
Ekweisaka bitutu.

123. KUNA N'EKULUSU

Mobikisi akufaki,
asopi makila?
Amikabaki se mpo na
ngai moto ya mpamba.

Choeur

Kuna n'ekulusu,
Ngai namoni pole,

Mokumba ya motema elongwe,
Mpe na bondimi
Nakoki komona,
Sikawa natondi na esengo.

Nde mpo na mabe nasali,
Ye anyokwamaki?
Mawa mpe ngolu, nsuka te,
Bolingolone.

Moyi engengaki mpe te,
Molili eyaki,
Ntango Klisto akufaki
Mpo na basumuki.

Mawa na ngai ekoki te
Kofuta nyongo' oyo,
Nkolo namipesi na Yo,
Yango nde nakoki.

124. NKOLO AZALI KOBINGA

Nkolo azali kobianga;
Telema, mosumuki!
Yanola lolaka na Ye;
Ye Mobikisi na yo.

Choeur

Belema, belema
Epai na Yesu lelo!
Mpo na nini' ozelisa Ye?
Uta ntango molayi
Oboyi koyokela Ye;
Zela te : abelemi.

Amemeli yo nde ngolu,
Bolimbisi, bosantu,
Kimia na Ye ya libela,
Lola mpe esengo be.

Asemboli mpe loboko,
Afungoli motema;
Selingwa, mpate mobungi,
Belema, kozela te.

Nkolo azali kobianga;
Na mwa ntango, aleki!
Yanola lolaka na Ye,
Yambo alongwa na yo.

125. NAYEMBELA NZAMBE NA NGAI

Nayembela Nzambe na ngai,
Ntango nyonso, bipai binso,
Na bomoi na ngai
Nyonso' ekumisa
Nkombo na nguya y'Emmanuel!
Aleluya! Aleluya!
Na' banje kuna likolo,
Aleluya! Aleluya!

Tosanzola Emmanuel!
Nayembela Mosikoli,
Bolinga ya Mobikisi!
Liwa na Ye, oyo ya elonga,
Esikoli ngai, na mabe,
Aleluya! Aleluya!
Nkembo na Yesu : nabiki!
Aleluya! Aleluya!
Nabikisami libela.

Tokumisa, tosanzola
Nkombo na Nzambe; toyemba!
Kati n'esengo
Toumelaka!
Bino na mpasi, na mawa,
Aleluya! Aleluya!
Mpisoli epangusama!
Aleluya! Aleluya!
Ayeli bino esengo!

126. YESU-KLISTO BWANYA NA NGAI

Yesu-Klisto bwanya na ngai,
Akopesa ngai pole,
Wana nalembi na nzela

Asimbi ngai loboko.

Choeur

Akopesa ngai pole,
Akopesa ngai pole,
Wana nalembi na nzela
Asimbi ngai loboko.

Yesu nde bosembo na ngai;
Asopaki makila;
Mpe nazwi na mbeka na Ye
Kimia mpe bolimbisi.

Choeur

Asopaki makila,
Asopaki makila,
Mpe nazwi na mbeka na Ye
Kimia mpe bolimbisi.
Yesu akopetola ngai;
Mpe nakangami na Ye,
Uta na Ye nazwi bomoi
Mpo nalongwa masumu.

Choeur

Nakangami na Yesu,
Nakangami na Yesu!
Uta na Ye nazwi bomoi
Mpo nalongwa masumu.

Yesu afutaki nyongo,
Mpe asikolaki ngai;
Nasili kozwa esika
Na lola, mpo na sêko.

Choeur

Yesu, asikoli ngai,
Yesu, asikoli ngai
Nasili kozwa esika
Na lola, mpo na sêko.

127. ELONGA KATI NA YESU

Nayokaki lisolo :
Mobikisi' auti nkembo,
Mpe akufaki n'ékulusu

Mpo abikisa ngai;
Ete anyokwamaki,
Mpe asopaki makila,
Mabe na ngai nayamboli
Ngai nazwi elonga.

Choeur

Ô elonga na Yesu,
Mobikisi na ngai,
Ayei mpe' asikoli ngai
Na makila na Ye;
Uta kala' alingi ngai
Ngai mpe nakolanga Ye,
Apesi ngai elonga
Na makila na Ye.

Abikisi mobeli,
Nguya na Ye'ekopetola,
Mokakatani'atamboli
Mowei miso' amoni;
Mpe nangangi : "Oh Yesu,
Bikisa molimo na ngai;"
Bongo Yesu ayei na ngai
Apesi elonga.

Atongeli ngai ndako
Kati na mboka ya nkembo,
Kuna balabala ya wolo
Ngambo na ebale;
Banjelu bakoyemba,
Mpe lisolo ya lisiko,
Ngai nakoyemba na lola
Nzembo ya elonga.

128. NGOLU YA KOKAMWA MINGI

Ngolu ya kokamwa mingi,
Nzambe' alimbisa manso?
Ngai mosumuki monene,
Mabe na ngai'abosana?

Choeur

Yesu, naye! naye na Yo!
Ngai mobimba, naye na Yo!
Yesu, naye! naye na Yo!
Ngai mobimba, zwa ngai.

Ekendeki ngai mosika,
Asilikaki mingi,
Ekangaki ngai motema,
Esalaki Ye mpasi.

Yesu namitiki na Yo,
Ete nasikolama.
Na mabe etungisi ngai
Sêko nakangolama.
Aleluya! ntembe'esili,
Mokumba na ngai'elongwi,
Na nzela nakei na lola,
Esengo mpo na sêko.

129. OLEMBI, MPE OTONDI...

Olembi, mpe otondi na mawa?
Yebisa Yesu!
Yebisa Yesu!
Abelemi mpo na koyoka yo.
Yebisa Ye manso.

Choeur

Yebisa Yesu!
Yebisa Yesu!
Atondi na boboto.
Akososola
Alingi'oloba :
Yebisa Ye manso!

Amoni boni oleli mingi.
Yebisa Yesu!
Yebisa Yesu!
Ye ayebi mpe motema na yo.
Yebisa Ye manso!

Wana emoni yo mabe na yo,
Yebisa Yesu!
Yebisa Yesu!
Akoki kozimisa masumu.
Yebisa Ye manso!

Ata nin'ekoyela yo lobi :
Yebisa Yesu!
Yebisa Yesu!
Na nzela azali pene na yo.
Yebisa Ye manso.

130. NA NKOMBO NA YESU

Na Nkombo na Yesu,
Na Nkombo na Yesu
Tozali n'elonga,
Na Nkombo na Yesu,
Na Nkombo na Yesu
Moyini akokima.
Soki toyeyi na Nkombo'a Yesu
Nani'akotelemela?
Na Nkombo kitoko ya Yesu,
Tozali n'elonga.

131. NAKANI

Nakani mpe ngai nakozela te,
Mokili ekobenda;
Biloko minene, mpe kitoko
Bikobenda miso.

Choeur

Nakende na Ye na
Esengo, ngai nsomi,
Yesu, Yo monene,
Nabelema na Yo.

Nakani koya na Mobikisi,
Kotika masumu;
Azali sembo, mpe atondi na
Maloba na bomoi.

Nakani kobila Mobikisi,
Sembo ntango nyonso;
Kosalaka se mokano na Ye,
Ye nzela na bomoi.

Nakani kokota na bokonzi,
Kotangwa na mabe;
Ata nani atelemela ngai,
Nsuka se nakota.

Nakani, mpe nani'akende na ngai?
Ndeko, yaka noki;
Toteyami, Molimo'akokamba,
Lolenge ya lola.

132. BAUTI MBOKA...

Bauti bisika binso
Bauti mboka mosika
Mpo na kolia
n'elambo ya Nkolo
Bapaya bapambwami
Kotala'elongi na Ye
Kongenga ya bule
Basangoli ya ngolu
Mangaliti'a motole.

Choeur

Natondi na esengo
Yesu asikoli ngai
Natiki mikumba'a mitungisi
Ya Yesu bozito te.
Molili ezipaki ngai
Kasi nyonso elimwe
Nakoyemba elonga
Yesu asikoli ngai

Liboso'a kiti'a Nzambe
Basantu batelemi
Mpisoli'esili
Mawa esili
Kuna liwa'ezali te
Mobikisi akei kuna

Kobongisa'esika
Tokozala elongo
Mpo na sêko na sêko.

Bikuke, mboka yango,
Bizali se polele
Talela Nkolo
Mopesi ngolu
Na bolingo'abongisi
Efandelo na mboka
Mpo na biso banso.
Mpo na komilengela
Tosa mongongo na Ye.

Yesu azali koya,
Nde mpasi ekosila.
Soki Mokonzi ayei sikawa
Mpo na basembolami,
Okozala n'esengo
To mawa mpe mpasi?
Ekoya Ye na nkembo
Tokokutana ná Ye.

133. MOKOLO YA LISIKO

Mabota makweyi,
Yisalele esekwi
Bilembo ya basakoli
Ntango na biso'esili,
oyo nde nsomo
Sêko na sêko'ebelemi

Choeur

Mokolo ya lisiko eyei
Bato batondi na nsomo
Tonda na Molimo, petola mwinda
Tala! lisiko'ebelemi.

Mosuke etoyi, Yelusaleme'etelemi
Mboka banyokoli mingi
Mbula na ye enoki
Azali kobianga

Bapalangani bozonga.

Likolo'eningani, bato bayebi te
Ntina na bilembo'a Nzambe
Eklezya nde'ezali
Koningisa manso
Mokolo'a lisiko eyei.

Basakoli'a lokuta, baboyi kondima
Ete Yesu azali Nzambe;
Bango baboyi emoniseli,
Biso tolandi bantoma.

134. NKOLO SALA ETE LILOBA...

Nkolo sala ete Liloba
Tozali koyoka
Elongwa te kati na biso,
Eumela sêko.

Moyini azali koluka
Kopengwisa biso
Mpo'ete abotola momboto
Elonami na Yo.

Wana yango'ezangi misisa,
Wana na mabanga,
Moyi ebeti yango'elembi
Na nguya ya pole.

Nde mitungisi ya mokili
Mpe bozwi ya mpamba
Esilisi nguya na yango,
Efini mpe yango.

Tika Nsango Malamu na Yo
Kati na motema,
Ebota mbuma mingi mpenza,
Mpo na nkembo na Yo.

135. BAMPATE NA NGAI

Bampate na ngai
Bakoyakaka ngai,
Wapi nakei bakolanda;
Mongongo na ngai
Bayebi mpe yango,
Kasi oyo ya mopaya te.

Choeur:

Bayebi mongongo,
Mikolo minso
Bazali n'étonga
Bakobunga te;
Balingi ngai mpo'ete
Naponaki bango,
Mpe bakoyanola ngai
Mpo bayebi mongongo.

Bampate na ngai
Bayebi elanga
Wapi naleisaka bango,
Liziba ya mai
Ya mpeto bayebi
Kuna nakomemaka bango.

Bango bayebi
Lobwaku ya liwa
Wapi nakomema bango;
Liwa, likama,
Ekozwa moko te
Nakozala na bango sêko.

136. NASIKWAMI

Nasikwami, ngai natatola!
Nasikwami na makila;
Nasikwami na ngolu na Ye,
Ngai mwana na Ye libela.

Choeur:

Nasi-kwami,
Na makila'a Mwana'a Mpate;

Nasi - kwami,
Ngai mwana na Ye libela.

Nakobika kati na Yesu,
Nazwi esengo ya sôlo;
Mpe pole ya bozali na Ye,
Ntango nyonso' ezali na ngai.

Nakokanisa Mosikoli,
Ntango nyonso na mokolo;
Mpe nakotika koyemba te,
Ntina na Bolingo na Ye
Nayebi ngai nakomona Ye,
Nasepeli na Liloba;
Ná bolingo akamba ngai,
Na butu apesi nzembo

137. NGOMBA NA SIONA

Mokolo moko ekozela
Ngai na bikuke na nkembo,
Ekokatisa ngai lobwaku,
Kuna ngambo nakopema.

Choeur.

Mokolo moko kuna mosika,
Mokolo' eyebani se na Nzambe,
Bomoi oy'a liwa ekotelema,
Nakofanda na ngo-mba Siona.

Nakoyoka baanje koyemba,
Kuna, mosika na nkunda;
Ngonga ya lola ekobeta,
Ekoyemba babulami.

Nakonyokwama lisusu te,
Mitelengano'ekosila,
Wana bondeko'ezongisami,
Kolela na ngai'ekosila.

Mapata'a molili'ekolimwa,
Butu molili'ekoleka;

Mikumba ya bomoi elongwe,
Mokolo'a bopemi'ekoya.

138. NAKOZALA WANA

Ntango mobikisi'akobianga,
Nakoyoka, nakoyanola,
Ekobianga Ye, nakondima,
Nakozala wana, nakoyoka
nkombo.

Chœur:

Nakozala wana,
Nakozala wana,
Nakozala wana,
nakoyoka nkombo.
Nakozala wana,
Nakozala wana,
Nakozala wana,
nakoyoka nkombo.

Soki motema na ngai sembo,
Ekobianga Ye, nakoyoka,
Soki motema na ngai sembo,
Nakozala wana, nakoyoka nkombo.

Soki elamba na ngai mpembe,
Ekobianga Ye, nakoyoka,
Soki elamba na ngai mpembe,
Nakozala wana, nakoyoka nkombo.

139. NAMONI EBALE YA MAKILA.

Na ngomba n'ekulusu,
Nyongo efutami,
Elikya mpo na lobi
Engengi na nzela.

Chœur:

Namoni' ebale'a makila,
N'ekulusu'etioli,
Mbonge uta kiti'a Nzambe

Ekiteli biso.

Kokweisama esili
Mpo kopengwisa ngai
Mosika na lobiko,
Ayei kati na ngai.

Wana mpasi elobi:
«Tika kobondela;»
Nde ngai natali Yesu,
Asengi naloba:

Tokokoma na lola
Kuna bomoi sêko,
Nzembo ya basikwami
Bakoyemba boye:

140. YESU POLE YA MOKILI

Basantu bosakola
Yesu pole ya mokili,
Ngolu na Nkombo na Ye,
Yesu pole ya mokili.

Chœur:

Tokotambola
Nde na pole
Esika ngolu ekosopana,
Ngengela biso na butu mpe moi,
Yesu pole ya mokili.

Yoka Nkolo kobianga,
Yesu pole ya mokili,
Teya Nsango malamumu,
Yesu pole ya mokili.

Mpo nini' oluka Ye te,
Yesu pole ya mokili;
Tambolaka na sôlo,
Yesu pole ya mokili.

Tatola Ye Mokonzili,
Yesu pole ya mokili

Ngonga'a lola ekobeta,
Yesu pole ya mokili.

141. NAFUKAMI N'EKULUSU

Nafukami n'Ekulusu,
Na makolo na Nkolo,
Pene na Ye, ngai nandimi
Kozala moyekoli;
Mpate na etonga na Ye,
Na loboko ya Nkolo;
Na ngomba to na matiti,
Esengo na motema.

Choeur:

Nafukami n'Ekulusu,
Na makolo na Nkolo,
Pene na Ye, ngai nandimi
Kozala moyekoli.

Uta ntango yango esengo
Ezali na motema,
Longwa mitungisi na ngai
Na Yesu ngai nalongi;
Longwa bilulela mpamba,
Mokili ekosaki ngai;
Nazwi kimia oyo ya sôlo,
Na makila na Yesu.

Soki mosala esili,
Nakokota na mboka
Epai Molongi ya liwa
Azali kozela ngai;
Kuna nakoyemba nkembo
Ya Yesu Mosikoli
Oyo'akufelaki ngai
Mpe nabiki libela.

142. NKOLO NAZONGI

Natangwaki uta Nzambe,
Lelo nazongi,
Ngai nabilaki masumu,

Nkolo nazongi.

Choeur :

Nazongi, nazongi,
Mpo natangwa te;
Oyamba ngai na bolingo,
Nkolo nazongi.

Nabungisi mibu mingi,
Lelo nazongi;
Ná mpisoli nayamboli,
Nkolo nazongi.

Nalembe masumu Nkolo,
Lelo nazongi;
Bolinga na Yo nalikyi,
Nkolo nazongi.

Motema etondi mpasi,
Lelo nazongi,
Lendisana ngai mpo nalikya,
Nkolo nazongi

Elikya mpe nguba na ngai,
Lelo nazongi;
Yesu akufelaki ngai,
Nkolo nazongi.

Nasengi makila na Ye,
lelo nazongi;
Sukola ngai napetwama,
Nkolo nazongi.

143. TANGA BOLAMU NA NZAMBE

Ntango mipepe eyeli yo
Molili etondi be,
N'esika ete yo olemba,
Ntanga bolamu na Ye.

Choeur

Tanga bolamu na Ye,
Manso Nzambe asali,
Mpe okomona sôlo,

Boni eleki monene
Wana na nzela ya moselu
Ekulusu bozito,
Kanisa Loboko na nguya
Ekopambola sêko.

Soki na nzela obungisi
Bozwi ya ntalo mingi,
Banzaka libula na Nzambe,
Okozwa na likolo.

Kumisa Tata ntango nyonso
Mpo ete a'akopesa
Bozwi na Ye epayi na yo,
Mpo na bolingo na Ye.

144. YESU AZALI NA MESA

Yesu abongisi mesa
Mpo basantu balia,
Akobianga banso : «Boya koliya»;
Akoleisa na mana,
Akokisa mposa;
Esengo kolia na ye
Ntango nyonso!

Choeur

«Yaka oliya», Mokonzi abiangi
«Yako oliya!»
Okosala feti na mesa na Ye;
Ye aleisi bato,
Abongoli mai vinyo,
Yo moto na nzala
Yaka mpe oliya.

Bayekoli bayaki
kotosa bongo Klisto,
Akobianga bango : «Boya koliya»,
Wana mposa na bango :
Lipa, mbisi na móto;
Akoleisaka bato ntango nyonso.

Mpate akozwa Mwasi
Ya libala libela,
Mpe banso tokosangana na lola;
Ekozala kitoko banso bilaba Mpeembe,
Ná Yesu tokosepela libela.

145. PESA YE.

Soki ozangi mbongo
Mpe wolo na mokili,
Mpe esengeli obika na mpasi;
Kanisa ete Nzambe
Akoleisa ndeke,
Pesa Nkolo mikumba na yo nyonso.

Choeur

Pesa Ye, pesa Ye,
Pesa Mobikisi mikumba na yo;
Soki'ondimi, ntembe te,
Akoki kosunga yo,
Pesa Nkolo mikumba na yo nyonso

Mpe soki nzoto na yo
Ezali na bokono,
Mpe molimo na yo
Ezangi kimia,
Yezu ayebi yango
Akoki kobikisa;
Pesa Nkolo mikumba na yo nyonso.

Soki banguna babundisi yo
Mpe olembi,
Bosana te, Nzambe
Ayanolaka;
Akofungola nzela,
Mpe akotambwisa yo;
Pesa Nkolo mikumba na yo nyonso.
Soki bolenge na yo ebandi
Kotika yo,
Mpe nzoto elembe na Mitungisi;
Akotika yo te, akokamba
Kino nsuka;

Pesa Nkolo mikumba na yo nyonso.

146. KIMIA NA LOBWAKU

Nalembi kasi nasengeli
Kokoba mobembo
Kino Nkolo akoya
Kozwa ngai, sôlo;
Ntongo ekokenga, mwana'a
Mpate pole;
Mpe butu'ekomi pole lokola
moi, sôlo.

Choeur

Kimia'ekozala mpo na ngai
na lobwaku,
Kimia'ekozala mpo na ngai
na lobwaku, Nkolo nasengi;
Kuna mpasi te, mawa te, mitungisi
mpe te,
Kimia na lobwaku mpo na ngai.

Kuna fololo'ekotoya,
matiti mobesu;
Mpe kuna lola ekozala
Kimia, sôlo,
Moyi'ekongenga seko na lobwaku
ya ndoto;
Mpe kuna mapata makozala te, sôlo.

Nkoy' akozala kimia mpe nkosi bopolo;
Akolala penepene na mpate, sôlo;
Mwana moke akokamba
nyama'a yauli,
Mpe bomoto na ngai
ekobongwana, sôlo.

147. NSANGO MALAMU

Molimo Santu ya kala,
Moyini akopusana te,
Yango bato bakobanga,
Malamu mpo na ngai.

Choeur

Teya ngai Nsango Malamu,
Teya ngai Nsango Malamu,
Teya ngai Nsango Malamu,
Malamu mpo na ngai.

Ekosukisa lokuta;
Ekobikisa na liwa;
Ekokimisa Satana;
Malamu mpo na ngai.

Nalingi bobele yango,
Ekolingisa ngai ndeko;
Ekobomba eloko te,
Malamu mpo na ngai.

Ezalaki mpe malamau,
Mpo na batata ya Kala;
Mpo na Polo ye ná Sila
Mpe na ndeko Branham.

148. YANGO MASUWA NA SIONA

Yango masuwa'a Siona,
Yango masuwa'a Siona,
Yango masuwa'a Siona,
Yaka mpe omata.

Ememaki tata na ngai,
Ememaki tata na ngai,
Ememaki tata na ngai,
Yaka mpe omata.

149. NAZALI NA TATA KUNA

Nazali na Tata kuna,
Nazali na Tata kuna,
Nazali na Tata kuna,
Na ngambo mosusu.

Nakokende komona Ye,
Nakokende komona Ye,
Nakokende komona Ye,
Na ngambo mosusu.

Bokutani ya esengo,
Bokutani ya esengo,
Bokutani ya esengo,
Na ngambo mosusu.

Ekoki kozala lobi,
Ekoki kozala lobi,
Ekoki kozala lobi,
Na ngambo mosusu.

150. OSUKWAMI NA MAKILA'A MPATE?

Okutani na Yesu Mopetoli?
Osukwami na makila'a Mpate?
Ozali na elikya na ngolu na Ye?
Osukwami na makila'a mpate?

Choeur:

Osukwami na makila'a Mpate,
Ye nde Mopetoli!
Elamba na yo ekomi mpembe
mpenza?
Osukwami na makila'a mpate?

Okotambola nde ná Mobikisi?
Osukwami na makila'a Mpate?
Ozali mikolo minso kati na Ye?
Osukwami na makila'a mpate?
Ekozonga Mobali ya libala,
Elamba ekozala mpembe?
Okobelema mpo na ndako kitoko?
Osukwami na makila'a Mpate?

Longola elamba oy'a masumu,
Sukwama na makila'a Mpate;

Liziba'ekotiola mpo na mosumuki;
Sukwama na makila'a Mpate.

151. EZALI NGAI MOPAYA

Ezali ngai mopaya awa nse,
Nakotambola na nzela'a mpasi,
Ntango nyonso naluka bobele
Mokano na Yo, mokano na Yo.

Ntango nyonso na nse y'ekulusu,
Na mikolo y'esengo to mpasi,
Nalobaka, wana nakosenga :
Mokano na Yo, mokano na Yo.

Nzambe nasengi eloko moko :
Zala bozwi mpe'ekimelo na ngai;
Mpo na nyonso sala mpe kokisa
Mokano na Yo, mokano na Yo.

Tia bokonzi na Yo na motema;
Konza na bolingo mpe bopolo,
Mpe napekisama te koloba :
Mokano na Yo, mokano na Yo.

Mpe mokolo moko, ngai na kimia,
Nakoyemba na mboka ya nkembo,
Nzembo nayembi awa kolela :
Mokano na Yo, mokano na Yo.

Index

Amen!.....	2	Monganga Monene.....	31	Nkembo, bozwi na ngai	22
Asikoli ngai.....	93	Moninga tozwi.....	12	Nkolo abiangi.....	101
Ata ndele.....	46	Mosala na Yo kitoko.....	44	Nkolo alingi ngai.....	100
Azali na yo.....	45	Mosumuki, nakobikisa.....	86	Nkolo azali kobianga.....	124
Azali nde Nkolo.....	88	Moteyi moleki.....	36	Nkolo na biso akoya.....	61
Azali.....	7	Moto epeli.....	59	Nkolo nazongi.....	142
B abundi botelema.....	16	Mposa nakende kuna.....	37	Nkolo sala ete liloba.....	134
Bampate na Ngai.....	135	Mwana Mpate.....	96	Nkolo Yesu alingi ngai.....	117
Bauti mboka.....	132	N' ebale Congo.....	99	Nkombo ekobiangama.....	81
Bilaka ya Biblia.....	71	N' eloli moyi ekolala.....	29	Nkombo na Nkolo.....	82
Bolingo ebikisi ngai.....	8	Na bomengo monene.....	121	Nsango malamulu.....	147
Bolingo kitoko.....	50	Na libota bosana.....	103	Ntango Nkolo akoya.....	6
Bolingo ya Nzambe.....	23	Na Nkombo na Yesu.....	130	Ntango tokokoma lola.....	83
Bomoko kati na Klisto.....	10	Na ntango moke.....	4	Nzambe abatelaka bino.....	106
Bondela ná Ngai ngonga.....	85	Na ntango moke.....	33	Ô nalingi Yesu.....	5
B ombami te.....	116	Na Ye oyo' asukolaki.....	79	Olembi, mpe otondi.....	129
Ekokota basantu.....	26	Nafukami n' ekululu.....	141	Osukwami na makila.....	150
Ekoyangana basikwami.....	21	Nakani.....	131	Oyebi mboka yango?.....	17
Ekozala esengo.....	74	Nakokende kino na.....	38	Oyebi te?.....	64
Elonga kati na Yesu.....	127	Nakokweya te.....	63	Ozana.....	98
Elonga ya ngai.....	89	Nakonetwa.....	15	Pene na ekululu.....	14
Emmanuel.....	65	Nakozala wana.....	138	Pene na Yo Nzambe.....	55
Esengo.....	95	Nalingi komona Ye.....	102	Pene na Yo.....	1
Esika ya likoló.....	20	Nalingi Ye ntango.....	68	Pesa Ye.....	145
Etondi na bozwi.....	28	Nalingi Ye.....	49	Pole oy' a Nkolo Yesu.....	57
Ezali lokola lola.....	2	Nalingi Ye.....	114	Pole.....	80
Ezali ngai mopaya.....	151	Namona Yo.....	40	S imba loboko ya Nzambe.....	107
F ololo ya lobwaku.....	118	Namoni ebale ya.....	139	Tala lelo nde mokolo.....	90
J eriko.....	122	Nandimeli Nzambe.....	120	Tanga bolamu na Nzambe.....	143
K amata Nkombo na Yesu.....	27	Nandimi sôlo.....	119	Tokendeni.....	91
Kimia na lobwaku.....	146	Nasanzola.....	115	Tokutana na ebale.....	51
Kolata motole.....	108	Nasikwami.....	136	Tondisa mwinda na ngai.....	148
Konuna te.....	53	Natambola pene na Yo.....	30	Tondisa ngai na bolingo.....	13
Kumisa Yesu, kumisa.....	87	Natelenganaki mingi.....	72	Tosala mosala.....	111
Kuna n' ekululu.....	123	Natiki nyonso.....	24	Totondi n' esengo.....	112
L ekana ngai te.....	110	Nayembela Nzambe.....	125	Tozali bana ya Tata.....	97
Libondeli.....	69	Nazala lokola Ye.....	3	Y ango masuwa na Siona.....	148
Likabo ya kitoko.....	41	Nazali kati.....	77	Ye Mobikisi na ngai.....	66
Liziba ya Makila ezali.....	5	Nazali na Mobikisi.....	11	Yesu abuki minyololo.....	60
Loba Nkolo.....	48	Nazali na Tata kuna.....	149	Yesu afuti nyonso.....	34
Lobi, lelo, libela.....	62	Ndenge nazali.....	32	Yesu amema ekululu.....	75
Loyembo ya mboka.....	35	Ndima mpenza.....	54	Yesu atiki nkembo.....	39
M asuwa ya lobiko.....	113	Ngai nabotami.....	67	Yesu azali na mesa.....	144
Mboka pole mpe kitoko.....	56	Ngai nakolonga.....	84	Yesu Klisto bwanya na.....	126
Mboka ya pole.....	109	Ngai nandimi se Yo.....	76	Yesu Nzambe na Nguya.....	58
Memaka.....	47	Ngolu ya kokamwa.....	128	Yesu pole ya mokili.....	140
Mobikisi, Mobateli.....	19	Ngomba na Siona.....	137	Yesu, nakobosana te.....	73
Mokili ya ngai te.....	70	Nguya na Makila.....	105	Yesu, tozali awa.....	92
Mokolo etani.....	9	Nguya ya ntango.....	43	Yo Monene.....	42
Mokolo ya lisiko.....	133	Nkembo mpo na.....	78	Yoka ntina.....	94
Moleki.....	18	Nkembo na Yesu.....	104		